



升菴全集

和16
170
61



門和16
號170
卷6

太史升菴全集十九卷

成都楊慎著

從子 有仁錄

維揚陳大科校

新都周參元重刊

五言律詩

正月二日觀社

滇海魯觀社重來歲月更江山依舊麗耳目幸猶
明袷服蕪村雅香醪雜濁清杜陵詩句在久客惜



易十六卷

十九卷

人情

發安寧

悠悠戎旅情甲鼉泪吾征征馬諳舊路飛鴻戴前
旌倭遲此周道來往非夷庚東君憐衰朽假我以
新晴

正月十一日宿祿豐寄邱月渚楊溪山張見

梅楊墨池

客星無定影鷺鵲又遷枝避地仍多阻還家未有
期東橋花月夜南浦蕙風時携手難同賞勞歌寄

所思

與李葵之改憲卿夜飲

旅寓逢新歲芳隣聚此宵梅花普賢寺楊柳謫仙
橋又醉雙文酒休歌獨酌謔并州故鄉地渾忘路
迢迢

留別安寧滇城諸友 二首

垂老西來日天涯此會稀馬蹄聲特特鴈陣影飛
飛南海情偏厚東坡語未非海庄岑寂地車轍滿
荆扉

垂老東還日天涯此別稀關山歸馬地江水釣魚
磯秉燭情何盡啣盃淚欲揮相思宰相問處處有
鴻飛

廣心樓小酌憶張禹山

久客高峽上登樓眺望頻雲連呈貢雨花接晉寧
春蘇李詩篇盛陳雷意氣真不逢劉會孟誰識兩
仙人

劉義亭訪予高峽宿毛氏萃芳園夕歸

坐對仙巒暝歸防竹徑幽元亭雖寂寞清話且淹
留畫足揮毫興宵添秉燭遊遊仙何必賦即此是
丹邱

五月二日太華寺會效韓昌黎

雨後來更好山水有清音紫霞池上酌白雪邱中
琴悟以千佛偈因之九仙吟聞鐘發深省颺爾灑
塵襟

宿積翠巖

曉色動香塵天風雜梵聲鷄鳴關樹白龍卧海波

清湘浦行捐佩滄浪坐濯纓思歸還引望懷古若
為情

遊王案山寶珠寺

名山已發興空宇復離羣開樓見西海出岫指南
雲泉華玉雷接風籟紫宵聞前朝一片石金薤剝
苔文

酬金秀才

錫浙江武康人

伏枕抱疾日開關餘春時欣聞空谷音適與中林
期清風灑蘭藻零雨坐茅茨翻然不可見悠哉寄

遐思

烏撒喜晴

易見黃河清難逢烏撒晴陰霾既已豁險道况復
平蜀日杳千里滇雲惟十程江花與江草異國看
春生

大理春市因憶李仁甫

海國櫻桃市春山蘭蕙遊青絲盤饜衰紅頰醉扶
留狼荒金莫辨鮫宮珠暗投佳人眇天末因之問
阻脩

燈 音詩同
憤燈開
張畫繪

太華寺即事

舊雨高峴上新晴太華中松門燈山靄蘭渚鏡文
虹鐘動烟花紫燈然暝色葱山僧多養馬疑是古
丈公

大相公嶺

九折刺史坂七擒丞相橋沉黎漢原古嚴道蜀關
遙策馬冰槽滑乘橈雪潭消我行再經此感慨一
長誼

招劉善充

橈 丘妖切
窾平声
禹泥行
所乘

缸 音工車
也
轂中鐵

戎旅九塞上暫歸如夢中雙江碧雲合九橋明月
同搖心渺天末携手期城東佇立永今夕銀蠟祭
銅缸

送毛東鎮往臨安

縹 音飄縹
縹輕舉
貌

縹縹碧雞使蕭蕭斑馬羣離亭方禁酒征路正炎
氛水弩含沙影天為墜火雲歸音期蟋蟀莫待海
花紛

魚鳧關讌別趙龍巖僉憲

有美臺中彥懷予別思長薄雲隨馬首落日送漁

梁野燎山多黑江秋荻已黃
搖搖愁轉旆寧用訴
華觴

北橋離席留別趙州諸子

漂泊猶戎旅羈栖且歲年
又傷南浦別重醉北橋
邊烟樹環江滸風花簇野
筵鄉心那可問愁思繞

離絃

荅馬敬臣 二首

北闕承恩譴南荒作旅人
可堪同瘴癘猶自隔音
塵鶴嶺霏烟外堦川積水
濱三年不相見兩地各

傷神

霽 音祭雨止也

坐宇澄新霽殊方報早秋
涼風天末樹明月海邊
樓塞草封歸望湘蘭渙別
愁來章三復罷對酒不

能訓

荅楊從龍給事

仙居深紫府旅望渺蒼波
五夜勞魂夢三年阻嘯
歌雲心陶令遠秋興杜陵
多魚浦南風便龍關一

羽過

感通寺

易十卷

十一卷

六

嶽麓蒼山半波濤黑水分傳燈留聖製演梵聽華

云壁古仙苔見泉香瑞草聞花宮三十六一一遠

人羣

寺有僧無極者洪武中首率僧衆歸附朝京御製十六詩送之還詩云衆僧經通佛肯語

善華云華云華言也

次張大理文柔別後見寄韻 二首

四牡何時發雙魚此日將別離驚草綠衰謝感芸

黃澤畔風霜勁天涯歲月托款襟難借問濡跡但

相望

垂老雲南戍逢君海上州桂招非小隱萍泛是同

流江漢詢幽側關山慰阻修欲酬平子贈空有畔

牢愁

水邊梅影

玉宇暖微霄瑤華擢秀翹貝宮浮藻景魚浪淨蘭

橈珮冷漢臯橘珠明河上蕭不逢南雪唱空倚北

風謠

夢遊感通寺簡諸友

李白題詩寺文簫寫韻樓海光浮樹杪山翠滴牀

頭熱想寒泉濯春曾煖谷遊暝鐘蘿月下清夢一

相求

謝楊肅菴都諫惠筆

彤管分青瑣瓊緘到紫巖
卓元疲執戟花夢老江
淹嶰谷籜龍健寒宮桂兔尖
無因白雪唱空擬碧
雲瞻

亭前引水名曰墨池

金潭朝洗菊玉甃暖滋蘭
何如元吐水分作墨池
瀾烟雲生几席星斗宿
闌干問字休携酒仙家
沈瀧寒

吐與吐同

秋音絢非
覺又結

過石樁村訪唐河東刺史王仁求碑 二首

唐代河東守周朝聖歷時
土花封綠字石髮被金
碑泣露麟猶卧嘶風馬
自悲荒原誰過問郡乘
不魯知

鳴蟻古河東川原勢亦雄
城荒吊華納山遠問蔥
蒙玉筋埋天祿銀鈎剝
畫蟲問邱名姓在鄉家
仰清風

玫瑰花

庭際玫瑰樹含芳當坐隅
春盤紅瑪瑙曉帳紫珊

珊瑚風信翻霞錦
天香綴露珠
仙壺春醞好
留看醉
麻姑玫瑰佳入

酒尤佳

竹戶少塵埃
濃陰鬱不開
靜聞清露墜
涼送好風來
鳥下彈瓊粉
蟲行篆紫苔
無人共欣賞
坐嘯獨悠哉

薄音薄大桴也

海籟

即葑田也浮於水中東西往來

芳洲隱蘋末
葑埒寄蘆中
上下隨春水
東西逐夜風
浮家還泛宅
斷梗復飄蓬
感物傷羈思
生涯愧

海翁

出塞

地名六朝體也

烽火照甘泉
刁斗出祁連
錦車衝鳥穴
翠旆度鷄田
高柳分斜月
長榆合遠天
交河水正結
心斷玉門前

詠霜

天駟粲寒芒
青腰騁素粧
珠簾銀蒜白金井
碧梧黃漢署
宵鍾徹胡庭
曉角長豐貂
無暖色坐待燭
龍光

炎切榻上聲

滇池泛舟見新鴈
忽見行行鴈來應自故鄉天涯多少路雲際幾番
霜滇水饒葭茨禹山足稻梁金河尔休戀無限虜
弦張

中元夕望開福寺塔燈

宰切孫入聲宰中卒出也
獾與孫同

宰堵高千尺然燈達五更剛風吹不滅甘露洗還
明龍燭真堪並蛾飛不敢驚獾升何矯捷應見闍
婆城

詠琵琶

迴窻暝華表連環繫錦絲桃葉雙鬟小楓香一調
高牛羊上青塚狐兔沒黃蒿留賓芳夜促且欲醉
蒲桃

春江曲

時女翫春翹新梅發遠條風香隨步步雲彩艷朝
朝悵望迷晴浦音書候晚潮玉輪江上水心斲木
蘭橈

折楊柳

白雪新年盡東風昨夜驚芳菲隨處滿楊柳最多

情染作春衣色吹為玉笛聲如何千里別只贈一枝行

雨

蟬咽枝頭鳥搏樹杪風窻窻涼意足葉葉雨聲雄案對燈花喜宵分簾色融不知何水部吟斷滴堦中

青橋驛

鉄壁千秋雪冰崖萬壑雷人家比星散鳥道入雲回旅寓山河隔鄉心日夜催客行春又夏不見捷

書來

渡黑龍江時連雨水漲竟日乃濟

飛鷁朝暎霧停驂午漏分客心隨水急人語隔江聞雨過添清氣風生愛縠紋中流歸棹穩歧望有來群

憶用叙弟

阿弟遠行役一年無定居勞勞恒念爾寂寂正愁予日月攀芳樹雲霄隔素書燕南池草綠應好賦歸歟

同祝鳴和錦江泛舟名鑿

八月茅花水諸天桂子風追涼琪樹底擊汰錦亭
東人境囂塵隔仙曹逸興同城樓鍾欲動斜照帶

微紅

遊中崑寺

高閣諸天近長江客路分帆開山吐月鍾動水連
雲漁唱通宵起樵音隔浦聞佛香渾不斷散作南

岩薰

次胡孝思中崑韻

翠微連寶地青靄壓雲堤俯瞰行人小平瞻遠樹
齊振衣淹暮屐迴棹聽寒鞦雨歇楓林靜荒鷄尚
未啼

候朝簡王舜卿

文華接武英鳳吹應雞鳴月晃牙牌字風傳玉珮
聲天香飄左掖宮漏隔西清不是班行迥焉知夙
夜情

桔栢渡

在昭化縣東二里

桔栢古時渡江流今宛然名存巴國志詩有杜陵

梅子青
高賢
篇鴟鷁衝烟散
龜鼉抱日眠
分留餘物色
朗詠惜

重過華清宮

綉嶺仙人閣
華清玉女湯
山川猶氣象
臺殿久荒涼
暖水生烟霧
寒松受雪霜
碑文無歲月
螭首卧牛羊

臨晉道中

茅店昏烟集
榆鄉燎火開
宵征何太急
暝望忽相催
月樹群鴉散
霜橋列騎回
解城聞漏點
星宿滿

梅臺

七夕憶遠

離人惜離景
星聚又星分
雙津烏鵲候
三山鸞鶴群
錦江澄夕浪
玉臺生曉雲
山途何渺渺
愁思極紛紛

送王維賢吉士出知廣德州

朱方新出守
玉署早知名
邦域周千里
文章漢二京
鳳皇天北顧
鴻鴈幕南征
清賞何由共
瓊枝別後情

周彦通侍御秋齋二首

北斗臨茅宇
西山出蕙樓
涼風吹玉樹
明月下金邱
歌對梧桐語
辭因叢桂留
高人耽吏隱
不是采真遊

鳳皇巢尾閣
蟋蟀在西堂
廬是承明地
園非避世墻
清琴宵弄月
白簡晝飛霜
采采籬邊菊
相期重晚芳

齋房春夕

青雲臨鹿苑
煥景入虹梁
燕坐諸天近
齋心五夜長

塵埃徐孺榻
燈火贊公房
隱隱聞清漏
迢迢出建章

建章

酬郭司業

元歲天齋裡
新陽月令逢
僧房聯下榻
仙珮待鳴鍾
雲會連枝比
宵分隱几慵
同心成坐隔
回首是行蹤

送余懋忠

河上冰猶合
關山鴈未回
君行阻舟楫
征馬犯塵埃
天遠驚離袂
春寒入勸盃
江東碧雲外
日暮獨

悠哉

春雪

南雪轉東風千門四望同愛穿珠箔透愁點玉堦
融竹覆瓊葉梅殘綽約散夕窻還映白蠟炬更
添紅

春雨

春雨掩柴扉勾芒力尚微潤通瓜蔓水寒透木錦
衣大澤龍蛇遠空林鳥雀稀山翁多甲子杖屨候
芳菲

惟信朱曉早發至古店回詩見寄次韻

井轄虛投夜河橋暝發時明星將夙駕重露欲沾
帷南浦薜蘿合東門楊柳垂回風飄錦字空谷寄
遐思

清源樓觀漲二首

潢潦飛欄外洪波古堞前山收元豹雨江展白虹
天牛馬迷昏谷魚龍失故淵樵人歸太晚隔浦認
炊烟

雲色含山色濤聲撼樹聲枯槎何處下怒浪幾時

欄
音炎

詫
音詫
誇

平退鷓昏相失飛鳥晚對鳴如何誇海若猶自詫
莊生

天籟調寒吹神鑪煉曉霜稍驚綿力薄還訝葉聲
長畫戟歸邊將青綾直省郎誰論萍氏禁須問麴
生方

梅天郊晚

連日黃梅雨鼃聲積漸多豐年無赤地平野似銀
河園篠涼生葉堤檉水沒柯半村斜照裡收釣晒

漁簑

寒食見梨花

寒食春藏寺晴光水見沙老僧閑貝葉邀客看梨
花塵外冰壺瑩風前玉樹斜洗粧猶待雨春態倚
雲霞

寒霄月色

明月流寒影低欄復轉廊雪霜留澹白參昴伴昏
黃野徑多樵笛江村有釣航不教烏鵲定直待燭
龍光

寄許玉林

吾憐喜玉林道氣夙齡深懸車未華髮解佩晏清襟
山水歸與興琴樽靜者心紫芳行可覲丹竈擬
同尋

訓袁永之 書自陽朔寄來○袁名泰

書到滇陰日封題陽朔春同心雖異縣未面已通
神駿發高岑後鴻裁擘壽新 永之近著 皇明獻實 伊予嗟暮
耄顛子揆天宸

寒夕

淞 音崇 名

壁月寒生暈銀河凍欲冰簷花穿霰淞窻紙戰風

姹 與姹同 切嗒上 聲美也

稜桂火噓難熖蘭膏坐自凝新梅如姹女粧束待
晨興 霰淞木水也着樹玲瓏如花諺云霜淞打霰 淞貧兒備飯甕

送朱參政良矩還金華 朱名方

仙人無白髮何事早歸山東海文鯨逝南雲倦鳥
還竹林同晉逸芝嶺異商顏明月和清夢隨君度
雪關

秋夕高峴早起

獨向高峴宿送聞水寺鍾踈燈青耿壁斜月翠沉

峯星點螢穿竹潮音鶴舞松明湖開曉鏡倒影木芙蓉

村曉

小寺霜鐘起山櫻曉堞迷長庚配殘月斜漢界晴
寬犬吠聲如豹蠅喧聽似雞老懷渾不寐遙夕又

新題

寄王雲巢

紅塵厭市廛白首伴雲眠巢父元無地壺公別有
天北山迴俗駕南嶽定詩禪莫訝焦鵲細逍遙且

大年

懷韓子中

風流點蒼彥天骨乘黃竒出宰千家邑歸無三徑
資蘭亭傳墨訣草閣伴元思悵悵湯田別深盃欲
暝時

寄張愈光名含

劉安悲落木曹植感飛蓬夜雨燈前夢秋霜鏡裏
容緜緜思遠道戚戚苦無踪何日來仙駕青天騎
白龍

贈王民望

有序。王名廷表

鈍菴王民望自臨安千里來訪予信宿而
別期與池南唐子午衢段子會于晉寧為
盤龍海寶之遊值予阻疾不果行作此以

寄且訂後期

與子曠參辰眷言淹晷曜婉婉來清揚媿媿啟玄
調暝宿太華峯晨理高峽釣沙上愴分襟城隅阻
言笑言咲豁相思有約當後期雲嶠苔屐並風檐
蘭襟披衢步拾璫草池酌繫青絲俊遊希白下高

會繼南皮南皮駛清流北渚爽金鞵去駭儼立鷁

走舸歛飛鷗胡然嬰痾疾臨岐隔歡遊望羨天咫

尺何以慰離憂離憂一何叢我心一何忡紫芳行

采采翠管坐濛濛開奩慧寶餌隱几拂彫桐馳神

隨去鷁絨情付歸鴻歸鴻翔次寨緒風傳颺沓涼

氣秀峯期温盟通海榻詎詫彩霞分終今碧雲合

張敏夢不迷劉勰興還答

高峽夕

雌霓入聲時橋跨雄風晚籟斜綠疇翻祀稭荈浦

音窈

音亞稱

音起禾

音協

音位

音忽

音秋

藻也

贇蕪葭

左思賦蕪葭贇蕪葭
森注贇音犬分別也樵隱同山麓漁商集

水涯荒村門早閉卜樹已歸鴉

贈別陸後野

名坤

邂逅叶心期燈花對酒卮浮雲遷客夢明月美人

詩館曙鳴雞早關寒度馬遲行過宜祿驛好寄世

南碑

陸為予言虞世南書宜祿碑在邠州字畫道
勁不減廟堂碑人罕摹也

送人之吳楚

佳麗東南地登臨卷畫中竹雲籠曉渚梅雨澹烟
空風順帆如馬天高月似弓哀歌休拔劍槎上覓

仙翁

舟曉

羈心厭漏遲未曉命舟師樹過如人立帆開覺岬

移天梭星落織霞錦日舒絲漸喜漁村近炊烟出

竹籬

與胡在軒簡西島泛舟至柳壩晚歸

北風吹海岸擁沫聚銀沙去棹穿汀葉歸帆拂渚

花鶯兒黃似酒楊柳綠藏鴉物色撩人醉醉歌凌

紫霞

撩音聊理也

真曉

林迥碧雞飛花稍露欲晞迢迢城漏寂隱隱寺鐘
微小店明燈出殘粧帶月歸雲津漁唱起空翠溼
蓑衣

元宵雪

娥月隱春城仙雲飄六霽花隨四照出光與九枝
爭白戰橫詩梨清愁倩酒兵何須訪姑射人世即
瑤京

九月望日與諸弟夜泛

嘉木繞通川空林衆籟傳江天清近榻霜月冷侵
舡盡日供愁坐連宵只醉眠不同池上酌何事有
新篇

次夜

南浦風光濶東林霽景饒灘聲喧昨夜峯影靜今
朝行艤尋烟語停杯待月邀清遊不隔日玉樹好
風標

登金華山玉京觀中有陳子昂書臺

巴嶠亭前立涪江檻外斜雪堂開洞府雲木上烟

霞葉響非關
雨林香不是
花至京如可
到從此問

丹砂

瑒音羊玉名

古調今寥落
令人憶拾遺
不圖垂拱世
復覩建安
詩瑟在猶清
廟碑殘尚色
絲紫瑒留詠
後千載有

鍾期

昭化飲嘔酒

氛切分去聲

醞入烟霞品
功隨麩葉高
秋筐收橡栗
春瓮發蒲
桃旅集三更
興賓酬百拜
勞苦無多酌
我一吸已
陶陶

早發神宣驛

孟冬來棧閣
清曉度鄉關
隱月雞鳴急
回風虎嘯
閑霰收才見
樹日出始分
山時復憑高
望秦川拈
掌間

長安遇雪

日下長安近
天涯晏歲逢
凍雲千畝竹
寒雪五陵
松橋遠迷玄
灞山明見紫
峯行行遊獵
者爭信客
無悰

沙河縣

悰音叢樂也慮也

積音迹水
塔音石
者

空積少人煙孤城大道邊平沙盤馬路殘雪射鷗
天野日三竿上河水百片穿條風將變柳客思感
流年

春雪寄內

春陰鬱未開春雪犯寒來點綴過花徑飄揚度玉
臺望迷河畔草歌落隴頭梅併起因風興還思道
韞才

十二月朔旦南郊扈從省牲

天仗雲門外宵衣曉漏前蒼龍旂影動朱鷺鼓聲

時音止

傳星爛甘泉燭霜清泰時烟南郊新警蹕重親孝

皇年方云得初唐體

送內弟黃秀卿華還遂寧

素舸濤江來白馬嶠關去荻岸屢沿洄蕪臯幾容
與寒日照行觴朔吹飄離緒超遠望平原憎脰空
延佇

癸未除夕

金壺躍温耐華燭蟠暖烟壁陰逝可惜瓊籌俄已
還噦噦鸞聲動蒼蒼龍角旋椒觴猶頌酒蘭佩催

耐音宙
又耐也

脰音顯頸也
脰音絹

方寸集
卷一
三

朝天

夜泊

夜泊中崑下扁舟對萬峯一星高岸火幾杆上方
鐘水落灘聲急雲低雨意濃何人吹鐵笛潭下惱
魚龍

送鄧士魯給事以言事謫金壇名繼曾

千里泛滄波孤蹤寄薜蘿風塵隨燕雀水國傍鼉
鼉湘浦捐春珮承明待晚珂華陽雖咫尺未許聽
仙歌

秋日枕疾四首

陋巷本寂寞病來人更稀氣候倏忽變陰晴頃刻
非量移寒燠榻調停單袂衣餘生付泡影馬和衡
氣機今不春冰肌亦脆景幽對流螢夢也難偷
風前黃葉樹雨後紫苔墻肺病知秋早身閒覺日
長杵聲頻擣藥烟縷漸消香遮眼聊書卷雕虫久
已忘
病叟茅亭卧頑童竹杖随半人嘲鑿齒一足咲虞
夔夢境虛傳蝶支床底用龜古方渾不效無乃偽

泡 音批

鑿齒 獸名 齒似 鑿能食人

夔 音葵

川藻席黃花上蘭燈綠桂前遙傷南浦別獨和北
梁篇

太史升菴全集二十卷

按二十卷至二十二卷共彙排律七十四首今校之似止得三十三首餘四十一首皆選體及古誼漢魏康樂徐庾諸體宜入五言古詩中爰各註古字于上方以別之

成都楊慎著

從子 有仁錄

維揚陳大科校

新都周參元重刊

五言排律

古題赤壁圖

弘治辛酉年十四時作追錄于此

曹瞞下江陵江陵正危劇周郎美少年氣吞江漢
窳水戰得上流火攻非下策卧龍東畧雄烏鵲南

飛迫妖氣掩黃星倒戈回紫陌鼎足已成形鬼蜮
俄褫魄王業聊偏安霸圖何赫奕懷哉玉堂仙逝
矣黃州客文光貫斗牛天遊忘還謫名姓識兒童
畫圖燦金碧赤壁幾千秋山青江月白

古早秋野眺寄所遲客

聽蟀鳴歲晏爽鳩起涼氣斜川有名飲中林無雜
群輕輪逐水曲空舫艤江濱烟杪散靈籟寒漪聚
淥文浦思滯淫客洲望夷猶君夢想期華月徘徊
生碧雲小山桂將結幽谷蘭當芬馨香坐消歇翠

艤與機同

音詎相聞

古赤岸山送別效謝靈運

六朝時安得有排律體益徵錯簡

茲山亘長江合沓氣象分朱壤凝炎德光輝灼類
震陽景有先曉陰霞遲餘曛朝暮多奇態草木含
靈氲既下鸞鶴侶亦來麋鹿群石床闕古蘚丹竈
流烟瀆遊屐久蕪沒仙跡空塵氛曰予敦元尚偕
子挹清芬東嶠拾瑤草西岳采香芸行汎青木水
坐睇峩眉雲躑躅守甍徑警欬何當聞
新正六日隨徐子容郭介甫唐守之登鏡光

嶠音焦

出音節山高貌

鼉音生

柳拜者

閣一首

徐名縉郭名維藩唐名臯

抱病強尋春開愁是此辰
瑤峯初霽雪鏡水不生
塵仙閣通青漢皇圖望紫宸
城隅織草出官路
遠楊新麗藻留金馬
煙花對玉人風先知漸好
搖蕩曲江濱

至後雪

白雪晃元陰清都帶玉岑
原鱗春盎盎宮雉曉沉
沉朔氣龍沙遠寒光鴈渚深
色裁斑女扇聲入楚妃琴
黃竹當停奏幽蘭且罷吟
瑤華如可贈持此

慰離心

禁直春寒

太乙祠燈罷甘泉薦鬯回
青陽孟月啟華啓上春
催温樹花全歛曲池冰不開
通天明星館迎風寒
露臺清冷異塵鏡霄霓隔蓬萊
玉女闕窓下金徒
抱箭來網戶排雲掩瑤墀
映雪皚中郎五日直
內史三宵陪鄭錦猶重御
越羅當未裁欲分青藜火
共舉渌醪杯

古于役江鄉言辭友生

霏音掉

祇命向南濱離群感西河莫僚篤久要同聲鳴相
和廣筵開秩秩飛爵引僂僂披雲敷別藻揆日促
淹珂晨裝搖羽易夕駕極岷嶓旋軫陟駁原擊汰
凌鴻波流瀾玉輪汜杳靄青城阿丹誠薦蘊藻元
韵諧松蘿臨睨自為羨契濶誰云過游鱗樂靜渚
懷安柯興彼緬馬情陳此勞者歌

樂

古別用貞弟

征馬矯西首離琴揚南音懿親將遠別置酒坐華

林中量豈獨淺強飲不盡斟

王溪云甚情致

分手即岐路

千里在寸陰習習東來風飄飄游子心山川脩且
濶羈思壯難任馳情天一涯結夢江之濔要我清
商節聆子吹篪吟

送石熊峯閣老代祀泰山關里

云亭炎帝館洙泗魯王宮百代聲名遠千秋望秩
同郊禋元祀啟彤嚮九幽通奠玉分宸獻函香領
鉅公璣衡旋斗北奎壁映天東鯨澤觀滄海鴻陸
指岱蒙五松烟杪蓋雙檜兩稍叢華衮遺經在金

游

游由旌
旗之未
垂者

泥故檢空銘崖晴倒景文棟曉舒虹仙碣秦觀罷
靈旂漢舞終周筵晞湛露舜殿轉薰風肅肅攀歸
鞅明明翊化工

送尹舜弼祇祀南嶽分韻得王字

洞庭環北渚衡麓奠南荒軫帝曾張樂重華舊陟
方登封非昔事秩禮自今王鸞掖馳仙使龍函俸
御香栢梁辭曉晏桂水泛春航星鳥光芒動風鳥
浩渺揚雲標青磴上天柱赤霄旁峯影回鴻雁岡
音下鳳皇搦毫鷲挾藻弭節敬維樂並命還分役
同棲忽異翔行行皆去轍肅肅戒歸裝南望蒼梧
遠西遊碧草長五津通萬里七澤遠三湘暑斂璃
頭日秋堂燕子涼漢恩虛講幄唐會別文場離索
難為久居諸幸不忘

涪江泛舟

明月沉清露秋風起白雲蘭橈乘溜急木葉下江
聞爽籟金懸奏遙峯翠積氣碧潭留鴈影錦汭散
虹文旅望隨天豁幽阿與歲分登臨知自好寂寞
共誰云

古雨宿大寧館

晨櫛充國風夕沐巴嶠雨雲館枕攢峯江亭席回
澌空水相澄鮮林霏自吞吐天籟坐嘯吟烟蘿共
飛舞矜泠感躓蹄瞻喬憐滯羽懷哉喜霽吟倦爾
愁霖苦稜稜霜野鍾統統寒譙鼓惜無同懷人凍
醪成獨撫禹山云近

古華清月夕

華清月華滿清都元景開玉霜竟宇下金波穿霄
來鴻濛澄寒霧繚垣靜氣埃連湯何窈窕松嶺亦

崔嵬景熾集靈殿聲銷按歌臺繁華自當歇蕪漫

誰興哀清光有今夕欲去重徘徊禹山云平穩中

送彭胡之官保靖

青楓帶楚鄉紅旆引吳航溪洞連辰浦峯巒近酉

陽稻田多有歲摘樹不知霜葦簫祈盤瓠鼓祠賽

竹郎蠻歌花節鼓公讌桂沾漿因爾詢風土圖經

遠寄將真摯禹山云

味香薰摘禹山云

綠橘試新霜金丸綴紫房美人憐節物含笑出長

廊玉手勞親摘朱唇不忍嘗濃薰九微火清芬百
和香捧持青玉案投贈白雲鄉桃李終成俗芝蘭
豈並芳真堪頌屈子詎許擲潘郎羅帕分玳賜猶
疑出上方

詠端溪硯卅韵示兒

瑞石出端溪靈陶琢已齊緇磷開渾沌清越奪琳
珪龍尾仙翁棹羊肝彥士剗浴毫輕似染囚墨膩
於鑿朏月沉泓北澗雲度岳西影寒歸黑帝光鑑
比元妻羨起圓如璧紋迴曲似堤藏春留琲瑠

如王孟也俗作苦蓄張有復古編云云 敲日響玻璃呵潤能欺礎

星詎照鯨未央無古瓦函谷失澄泥兒愛蓮蓬洗
奴頑竹節携研山銘可記壺嶺價應低吮筆漿含
畔祛塵匣斲犀讒邪憂呂望博厚景宣尼綺思生
松黛訛音辯彩霓寸田豐秬極勺水躍鯨鯢藻翰
歌麟趾勲華借兔蹄逝將翔沼鳳幸勿厭家鷄巴
嶠薪當荷雄池草正萋玉蟾徵舊夢金馬擬新題
古寄袁立山

有美袁州袁無論柳州柳剛方唐介傳文藻坡仙

後道是三黜餘官仍一麾守雲瑞重輪困山立小
培塿賦別欲銷魂閱視那容口飛輓疲東征穠藂
廢南畝川條斤伐枚水涸星在留竹馬遲細侯銅
魚懷杜母行春元有脚援溺豈無手橫目良可蘇
淵衷期不負汗清垂華勛軒冕復何有

戲效西崑體無題十六韻

王御參三粲河圖叙九房天機從此淺華孽竟非
祥蟾窟那須藥牛津豈服箱周阿生碧樹窈窕隈
清防翠被龍涎透銀箏鹿瓜長蕩舟凌浩渺解汎

裕音容

朱溥茫南后鳴瓊博西施響屧廊山峯歌羯鼓風
水霓霓霓霓霓霓霓霓霓霓霓霓霓霓霓霓霓霓
霓霓霓霓霓霓霓霓霓霓霓霓霓霓霓霓霓霓霓
海赤鳳巧踰墻團扇留明月輕裕溼早霜雞皮三
復少狐尾九還翔玉井喬家破珠櫻石氏亡洛神
休染翰嗤爾獻之狂

初寒擁爐欣而成詠

閉戶當嚴候圍爐似故人胡桃無賜炭
宋世御炭以胡桃文
賜鴝內直學士以楮杜有窮薪兒免號寒苦翁便永

楮音骨 當沒切 楮杜短 木

賜內直學士

以楮杜

有窮薪

兒免號

送音撥足也

夜親燭騰金齒菖灰聚玉麒麟剪燭休論跋傳杯
莫記巡奠茶浮蟹眼煨芋皺蚪鱗一點那容雪千
門預借春霸橋何事者凍縮苦吟身

重詠風扇

披襟誇宋玉吹律詫鄒生何似風輪扇能令暑域
清蘊隆澄沆瀣道暘幻蓬瀛枕簟無三伏櫻臺即
五城郢人忘羽秉宣曲想衣更颭爽蕭即似飄飄
列馭弁土囊真妄說天籟實多情歌舞宜高晏鮮
鮮白紵輕

詫音詫誇也誑也

暘音暘傷暑

古與張季文偶過虎丘次壁間韻

偈音結

梵鍾百偈集客枕千念攢同人理舟楫尋僧陟林
巒遠公邀元亮靈徹訓韋丹且聽柔軟音稍蔚婆
娑寒命酒對嵇阮言詩偕卜端山阿藏鹿苑江汜
臨鴻干篁竹坐可嘯英菊飢當食作繭乃自縛將
心與誰安胥任傳說靡一咲許歷完王粲詩許歷為完十一言
猶蔽秦狂思叫北闕幸免尸東桓詎期豺虎籍復登
鷄馬壇從公灑語雪俾余回情瀾漢書尹賞傳何所求必于桓東

少年場

古疏食

蓬與香同

蕞音穰

煤林甲切湯
煤也

蓬樞還老圃藿食遠膏薌小摘中園裏薄采南澗
旁終葵紫含露蕞荷白負霜煤作金釵色齊為玉
筋長既飽琅玕腹亦充沆瀣腸鱠井甘三咽蟻釵
愁五漿籠殮詎堪享鈎餌寧可嘗願言從沮溺從
此謝金張

古送謝子佩

脩音宵
雷與溜同

吾愛右溪子脩然清且真神仙自天骨吏隱出風
塵直道酌當宁危言動搢紳雷軒三進日摩海一

露音陰姓
也

麾辰益者來三友同心得二人歡遊才異域良會
復殊津忻坂寨烟幕崢峯隱月輪途折龜背侯
館密魚鱗霄鴈將愁迥露猿遙夢頻殷勤祝玆護
歸及采衣春

詠堠子

鼉記軒轅鼓龜升夏禹圖堠零清紫塞寓望拱皇
都水隔生烟直山遮落照孤道人春振鐸亭長晚
吹菰原樹遙分薺城荒遠辨蕪淋鈴蜀棧兩疲旃
楚江艫客思虛悲梗吾生實射弧驂駝遠自達兔

杜子春 三卷

鹿徑休迂

晨霰

安寧之境秒秋初冬天將晴霽晨必大霰
千里一白如銀色界須臾日出霞彩暉煥

亦奇觀也

曖音愛 隱也
對與隳同

元冥當凜節白霰翳晨朝明月朦朧閣清霜曖對
橋冰澌工織水花淞慣封條嵐市天褰幕煙垆陸
湧潮鳧疊迷獨釣鹿徑滑歸樵文彩南山豹威凌
壯塞貂馬星收閃閃曦景煥昭昭梅信懸知近憑

帘音廉 酒家望于

地酒帘招

卷全集二十卷終

太史升菴全集二十一卷

成都楊慎著

山前黃林風入秋青草王從子有仁錄

謝林風精微鄭王蘭夏書維揚陳大科校

新都周參元重刊

五言排律一日與吳菴菴畫會富平山對

古永寧贈任倉涯

蒼崖金陵彥江陽隱邁軸紫擘米靈芝青藜種山
穀匪直起人痾兼用醫士俗驛綠謝雲達鵠白非

日浴石鼎彌明詩錦肆君平卜聯鑣圭里遊對榻
天池宿綢繆情已深繾繾意何篤明當理歸艤候
予春渚曲

古十月十二日與吳菴蒼崖清會宿平山樓

昨暝江疊泊笑謔極綢繆今夕高樓宿宴醉集朋
儔枕底靜湍瀨城上聞更籌既傷離索久復念關
山脩黃栢風人意青草王孫遊安得騎鴻鵠往來

滇海頭

太史崇聖寺集二十一卷

塵劫非人境烟霞是佛都山開銀色界海涌玉浮
圖追蠡形猶壯伽藍跡已蕪經函飄粉蠹畫壁剝
天吳零雨頽墻草驚風廢井梧禪心隨夜寂旅望
對秋孤遠目窮千里傾懷倒百壺狂歌意無極感
此歲云徂

古無為寺

涼雨敞金天暝巒疑紫烟復有兔鹿徑斜通龍象
顛餘霞帶飛閣流波澄遠川危磴三休至層臺四
望懸佳遊惜落景愁思怯離弦非關興盡返良為

懷抱牽

春泛昆陽海口

洪池環貝關清藥切龍淵光騰馬躍渚潤入象耕

田錦紋浮澹淡金碧映淪漣津吏醉持楫漁郎歌

扣舷白浪認前浦丹霞分遠天蒙籠山鬼洞遙裔

海童烟別籟鳴空外歸雲望日邊向夕長風起愁

吟江漢篇

雨夕夢安公右張習之覺而有述因寄

滇越隣天竺印峽隔夜郎五離殊吟域一別異矣

涼竄逐他時並羈懷此夕長歡娛漸迢遞晤語落

暝茫嵐靄炎蒸國烟波瘴癘鄉秦關生馬角蜀嶺

斷猿腸折坂沉黎壁懸繩沫若梁南盤堆枸醬西

甍緝枕榔羅漢標孤檜觀音映遠楊湖街龍簇市

為土人以辰日海貨貝投莊滇貨以貝一貝為舟服

喧叢薄雕題列大荒逡巡烏爨弄鳥爨占之烏蠻今之獮人也其

樂謂之爨弄唐世取樂府以為笑云白狼擊木今麗江

書霄迥鳶飛站星低蠱飲光夷人畜蠱夜出飲水

裸風氣甚惡其地不時暴風如嶺南之颶風土

竺音祝

枸音鉤

甍音榻毛席也

吡音陶哭聲

裸音課

茵音網草名

抨補耕切
音并彈

鵠音戛

鷓音菊

正俗澀字
不滑也

楊子春

露毒仍防樹偃申家屋荷凋屈氏裳獨愁吟暄雪
九辨感清商永晝消棋陣流年付酒狂抨弓穿鵠

鷓鼓柀泛螳螂鷓鷓也
名螳螂川名康樂吳趨激鍾儀楚

奏傷眇歸頻握精憶舊幾停觴夙昔交遊日崢嶸

翰墨場金蘭通氣味桑梓借薇芳健筆誇鸚武靈

陶晏鳳皇執鞭從李杜傾蓋許班揚賈誼三書切

相如四賦良軼塵追騷裏缺岸倚騎牂百斛扛文

鼎千帆掣駛檣仙才輕綬冕公望重珪璋蒲席肯

現地微垣紫界墻璇閨高曳履瓊澁儼分行笏捧

縑音題

傑音報史
官連直

琴音牽
取也

縑囊奏衣飄畫省香輦花簪轟轟池草佩鏘鏘傑
直承明下經過韋曲旁翠薇橫半岫白水溢方塘

暝宿招提境雲眠薈蔚房樵歌塞薜荔漁影照滄

浪倏忽嗟岐路參差散頤頤薰華晨逗雨蕙莢曉

凌霜拂鬱干將劍聯翩戍客裝峨眉臨絕頂壤既

宛中央樾蔭江楓赤庭蕪塞葉黃閑門非泄柳深

壘詎庚桑紛緒琴心懶衰顏鏡匣藏屏居親狎偷

坐嘯和蛩蛩張敏情還劇安期好不忘形骸元脫

畧身世且倘佯蚓壤甘怡槁鴻冥豈慕梁艱虞寧

楊子春

二十一卷

日

暇問吾道任蒼蒼

孟夏苦雨不絕

積雨千家靜停雲八表昏青苔封甲子白水漏乾
坤祗益黔巫瘴虛沾屏翳恩愁零詩欲繼繁露術
空存潮汐宵通井津梁曉隔門何時集車馬明月
對琴樽

古秋夕效六朝體

美人別我去春恨滿薜蘿况是新秋夕相思芳歲
徂月織京兆畫星點漢皋珠峯霞張錦頰池瀦湛

清臚物色那堪對情悰可忍孤將懷結楚夢流思

向雲巫

贈汪泉翁

西土滇雲鎮南天執法星尚書崇禹衛大雅重周
屏聖化彰無外皇心佇靡寧分弓詔賢繡掛劔倚
潭青吉日占風角凶門背斗刑威聲先象渚敵愾
到麓泠玉帳通降表金標已勒銘風馳凌汛掃火
急驗灰釘春壤重看闕霄關遂不扃帝圖輿外拓
玉畧俎邊經勛業今昭鼎文章舊發硯調高淸瑟

麓音迷麓
泠縣名

泠音零又
泠泉聲

汝音多海
漢早曰
汝潮文曰

倡名並色絲馨芳潤三霄露濤瀾六月溟過都誇
騷裏傾國掩娥姪谷響丁丁木波縈泛泛萍犧尊
出城郭暢轂駐山亭墨許池中洗歌容澤畔聽直
堪慰遲暮渾欲忘飄零信宿慙鴻渚生涯老鶴汀
陳雷千古誼一羽在仙真

古訓張子上卧疾

幽憂子伏枕窳窳予閉關誰言彈丸地若阻重甌
山朱羲陸將改清商節欲還幕庭書帶靜文波屏
風閑鳴瓊罷魚翁窺棋忘豹斑牽率訓蘭藻俯仰

企芝顏

彭子冲

異縣悲南國同車感北風
霜清淮浦濶木落楚江
空危坂難迴馬矣方少去
鴻望歸天共遠惜別歲
將窮海曲飛鳴隔山梁
飲啄同從軍古云樂况復
九夷通

送周子顓工部北還

潘岳賦西征江淹黯別情
羊腸縈隴坂龍角繞吳
城晚照澄江靜星浮洞浦清
石帆風外轟沙鏡雨

中明愁聽丹楓落勞歌白芷生杪秋遙夕夢殘月
伴長庚

古五月四日蔡龜崖太守邀會于三塔寺大觀

堂分題得楠檻觀瀾分韵得霰字 蔡名紹科

青冥鳥外蒼翠靄雲中路暇日從公遊泚景同人

聚帡幪捲宿氛晏温屬新昫陶潛思停雲樂廣欣

披靄空侯睇遙天 佛經有此語 平蕘數津樹陽焰展海

幘浮圖象天柱繡檻狎鷗汀朱窻見魚步鷺翻入

鏡明雞羽當屏座酌言深竿酣詎覺層城暮懸火

已促歸芳草猶山頽慙賡元暉吟緬誦澄江句

古六里菁在豐祿

六里菁何深千章樹如薺俯聽秋蟬鳴翻在幽澗

底澗水何湔湔谷蘭香靡靡不見采芳人誰為枕

流子日暮心悠哉臨風聊徙倚

古温泉

神邱隱雲岳靈源渺天河陰火煮玉泉陽暈歛朱

波吹律豈鄒子煉石疑媧娥乳竇沉水碧碕梁起

盤渦漸漸不濡軌汨汨常盈科偕賞玩仙液蘊真

鉤音口金
餘器也
城與砌同

洗人痾浴蘭興遠思沐芳咏遺歌銅池漢雷側鉤
城驪山阿朝宗阻江漢褰裳限牂牁天隅感流落
日暮吟蹉跎

古明月子

桂影靜遙天照我綺窻前窻中出佳麗樓上鬪婵
娟三五嫦娥夕二八箇儂年金波未成鏡玉弓才
引弦月隨人共媚人與月相憐自有橫陳意流光
燭錦筵

送周子顓北上

天路還鄉路文星即使星北暝觀浩渺南紀歷岿
亭博望傳筇節王褒識碧形漢詩陳奕奕楚賦詠
華華揆藻留仙署分華到旅庭薰筵風若蕙浴楫
日如萍玄草楊雲閣青蘋柳渾汀良書睽暝榻張
飲列春坳鳳舉誠難駐驪歌忍易聽吳宮有歸乙
飛札翼丁寧

池上會心亭初成與客小飲

故鄉歸未得暇日且銷憂仙地那能縮吾廬亦自
幽垂楊覆鍛沼脩竹引觴流桂白淮山晚梨紅張

谷秋烟林平似織雲樹鬱如浮即此堪招隱無勞
賦遠遊

送劉少隣北上

春物茂華滋花宮携手時行行傷遠別恨恨不能
辭歲月甘哀矣山川若問之嘉遊才舊約良宴即
生離南浦江淹賦北梁蘇武詩挈音悽去柰行色
慘征旗濁酒臨風把清塵何日追惟應托宵夢萬
里逐心知

贈簡西嶽

藻婉劉琨經術擬杜環鴻儀渾物外馬跡徧人
間硯沼三江狹詩囊五岳慳好吞雲夢澤莫擘少
華山喜枉鼯鼯徑慵攀虎豹關繫維過信宿瓊玖

照衰顏

古肆月八日觀李中溪元陽浴佛會

三花寶樹下八水香池邊鷺嶺玄宗啓魚山清梵
傳日華明震旦雲彩麗諸天染衣豈尊宿鏗佩盡
儒仙虛界一那刹實際萬由延伊予漂戎旅同君
登法船

古春郊觀射戴玉案葉雨湖錢憲副劉民部同

賦界一狝餘寶劉萬由改時平點在秋同

東郊春草合襟英絲滿林同聲有勝集興言相追

尋白羽畫檣月鳴駁風遞音已負投筆志曾是懸

孤心射雉休重賦蜚鴻聊一吟

古清宵有清光

清宵有清光虛堂更窈窕月戶自娟娟風枝何嫋

嫋櫻迥寒更遲蝶近飛鳥繞露氣閨層簾星光涵

碧沼美人阻風期幽懷寄天表瓊想去翼長寶刻

來音杳索居能無言歲月成遐邈

雲中十二韻

天子雲中符將軍久未還律吹玄兔塞旗繞白狼

山風火燒荒急星晨過隊閑燕支留馬首蘇酪醉

龍顏清樂千門動黃金萬鎰頌雪深懷續絮月滿

憶刀鏢牙烏嚴宵伏宮鴉捲曉班奏回青瑣闥捷

報紫金關膂力休明鎧歡聲洽禁闌功牌銀燦燦

賀障錦褊瀾日轉虞巡外春流鎬宴間戢戈行有

頌神武徧人寰

古首夏過西園得樂字

青雲何飄飄華彩遠揮霍阿閣翼景龍出臯伴鳴
 鶴信宿訪烟霞夙尚本邱壑赫曦中陸永夏氣南
 榮薄游樹列丰茸行欄護花藥還近竹林遊遂動
 蘭池作甘瓜浮清泉碧盃凍寒酪芟製鳧鷖親林
 籟宮商錯妙理寄沉冥興懷在歌罟悠然莊舄心
 試誦思歸樂

太史升菴全集二十一卷終

太史升菴全集二十二卷

成都楊慎著

從子有仁錄

維揚陳大科校

新都周參元重刊

五言排律

八月二日經筵紀事

經帷當日表講殿直天中鵷鷺隨多士貂蟬列上
 公墀聲分噦噦樞影辨瞳瞳湛露晞蘭省卿雲爛

桂宮蟻浮仙酒綠鶴翥錫袍紅晉書延三接堯旻
達四聰衣香芬玉藻履跡印璇穹觀易三陽泰陳
詩萬國同寵高梁授簡恩邁漢臨雍奎聚占乾象
研書識帝鴻羽陵無蝕蠹元閣謝琬蟲瑩德同金
礪溫規借玉攻宸瞻休氣近鍾叩德音隆卷帙叨
從事簪裾儼在躬涓塵何補助海岳自深崇敢詫
桓榮力還歌吉甫風

古與方思道別

子有東山行訪予東城曲承風動別颺揆景淹離

旭青翰下新波驪駒遵徃陸贈言已結詒晤語猶
更僕颯颯宣宮商郁郁披華緝煌煌京洛都濟濟
英賢躡端居促席輕分岐馳念篤芝蘭在久要丹
艸失相勗幸駛星駕期共玩春芳綠

古園池春晚圖

方塘含廣漪名園饒雜英花蟲丰茸戲水鳥聞關
鳴啁啾既萬態藿藤又千名錦純奪艷色笙簧無
雅聲聲色知可翫冶遊空復情青雲從東駛白日
向西傾還思玄洲路遠訪丹邱生

古首夏郊觀得者字
 端居臨囂塵良辰睠林野聯翩接華裾邂逅命金
 馬玉堂凌炎歊琪園敞瀟洒丹葩駐餘春清陰澄
 首夏烟絲困欲扶風絮情猶惹羽翥涼颺浮塵尾
 玄韵瀉山陰茅宇期水曲蘭亭學青雲興何高白
 雪和彌寡列子風馭還襄童日車下回首汗漫遊
 愧尔悠然者

占夏日登昆盧閣
 赫曦改東陸鮮颺轉南薰炎歊深城府清冷阻江

霁即初字

瀆隱几倦文竹紉書厭香芸眷言承明侶爾此塵
 外群仙梯駕虹出梵閣排霞分攀楹低白日對檻
 俯朱雲圓方鵠舉見參差鸞歌聞意樹鳴天籟禪
 枝繞烟芬斜景斂平靄飛雨洒高霞金壘引清酌
 玉塵生涼氣興謠吐雲藻搖筆揮風斤香留荀令
 榻書染羊欣席奇賞真四美同詠慙五君

箕山王氏亭子

華館敞清虛蘭塘帶碧渠山雲迎下榻海月入前
 除席對仙人宴門回長者車林喧沽酒鳥水躍聽

馬音執絆
馬足也

僮音極促
促又姓

佺音銓
佺古仙人

藉與蔞同

棊魚六馬將軍畫雙鸞內史書天遊脫羈馱野服
謝簪裾策杖歌招隱披襟誦卜居菟裘名勝地真
作僮佺廬

古送江景熙

西陸戒嚴兩東溟理仙艫征院搖孟渚行闕動吳
覬山川成異地岐路感分衢雲中翔乘鴈汀際隱
雙鳥林楓夕響振籬牆霜艷敷蹉跎良遊阻荏苒
芳節徂晨風方發發晚露已塗塗行矣曠音息因
之重踟躕

古安公石館賞並蒂蓮得井字

何處同心花移根七仙井日彩曜聯華風漪漾雙
影金塘宛虹歌翠盃沉霞靜已近交疏窓復接參
差苻露飲對壁人涼颺失炎景南遊遲采芳相思
歲將冷

古送許稚仁得玉字

之子蘊英猷夙齡在仙錄崆苑采璆琤天閑得驂
駮曳裾青瑣闈焚草明光燭止戈義驟陳諫獵書
魯讀虎旅昔屯遭龍鱗幾嬰觸邇載逢休明沍寒

璆音樞
名玉

玉音夫美

易十卷

二十一卷

四

銛苦丸切
誇聲
齡音今黃
色

田氲煇羽儀遂高騫離照開四矚坐見皇風移歛
受恩波浴厭直下承明經畧盡郊廓露網馳文軒
金銛耀朱褱豈謂嚶鳴群翻成驪駒曲回腸繞車
輪睽目謬丹綠祖席臨折梅勞歌聽采菘笛喝引
飛鴻絃音催別鵠分曹理毫素同聲覆枉酹霽宇
澄皎靈陽林淨齡旭煙霜異節驚山川別岐促良
會將無踈思君如美玉

古聖泉菡贈韓石溪

龍圖天生水義畫山出泉暎茲甯沸流肇彼渾沌

垓音該

澆音奮

滴音聿水
流貌
裕音干

鑿音戚

年盈涸在頃刻消息同坤乾塵刹變潮汐億垓無
質還帝臺盞漿反神瀆壺嶺顛冰雪姑射質風露
綽約仙竇雲騰滴滴泓月涵娟娟緞鬚穿皎鏡蟹
眼瞭淪漣岷觴行遊聖坳舟喻思玄迷蹤鬼方霰
蘊真羅甸烟詎逢陸羽品那遇桑欽傳名公紆勝
引嘉招陶芳筵折簡闢蒼蔚飛觥延霽天玉珂裊
重巘金艾明華田碧漱灑柔翰翠微鏗洞絃臨源
稱混混倚谷望裕裕嚴闈鑿鼓動迴谿蕢燭然荒
塗欣良會興言遂成篇

結羊
教楷也

立春詠瓠梅

新春見早梅先折一枝來不待并刀剪何須羯鼓
催年光掌上出春色鬢邊回影浸金瓶水香留玉
鏡臺精神憐粉素零落惜瓊瑰情惹陽雲夢歌成
郢雪才佳人知愛重摘取泛霜盃

建林驛垂柳

枝枝金纓細葉葉翠條輕娟娟曾經折陰陰已復
成流鶯頻喚曲征騎此重行不為芳菲惜多緣歲
月驚烟條縈水曲風絮惹山城閨怨佳人笛邊愁

大將營娑娑漢南意因見古人情

送周子庚金都憲撫邊

肅肅戒嚴程蕭蕭班馬鳴龍庭新節制騎省舊才
名玉律調秋氣金鏡寢夜聲隴雲笳外結關月笛
中明鸞翔臨秦障鶉瓢繞漢城沙汀行見鴈海樹
坐聞鶯遊霞懷前賞歸風溯別情佇聽歌凱入一
舉塞垣清

送董士疇承緒用封河南

西侯臨周道南溟望楚雲恩綸三殿出瑞節五潢

潢音黃
潢星名

分瞻洛詩先誦遊梁賦早聞神臯添藻思仙苑挹
蘭芬池遠鳳皇影江連鴻鴈群歸程應計日陌上
草初薰

古南館對雪

玄霜有端木玉葉凌雲裁人間驚未見天上還先
開斜飄涼風館平覆露寒臺墻陰明紫界城隅淨
丹埃象廊光掩映鸞掖舞徘徊飛靈繞繞雷積霰
忽成堆三素綦邊瑩六花衣上來東閣觀梅興南
宮視草才熏爐馥朝襟仙醞盈春壘書停柱下筆

歌待郢中催

古小春紅梅效徐瘦體

風池水未合雲林葉才彫小梅含紫萼疎英綴青
條飄香寒谷迥靜影月林遙絳雪明玄夜丹霞凝
素朝美人惜瓊樹纖手撫金翹剪彩添花蕊橫枝
當綺寮春杯酌鸚鵡夕幌啟鮫綃鮮粧呈粉艷醉
頰湧紅潮百和鑪煙歇九枝燈焰消窓通羅浮夢
簾隔壽陽嬌笛奏金將落琴心弄未調芳華誰與
問秀色自孤標

古賦得流風迴雪

春雲籠半晴春雪太多情神飈起元朔仙雲飄紫
清軒墀颯以徧房櫳暖有聲宛轉逗香徑玲瓏穿
綺楹稍訝銅池淨俄看釳砌平沾梅粉臆動染柳
翠梯驚絃歌隨綽約巾舞閑輕盈借問凌波浦何
如不夜城

古羊皮彩燈屏

鴈足懸秦殿鯨膏朗魏宮何似靈源鞞揚輝玄夜
中百琲添絢爛七采闢玲瓏洛洞金光徹異苑洛洞穴中

金寶交飾明奪三光中有神羊居之東岳玉華融易是類謀東岳廿
羊東岳上金雪毫羞曜日雲母詎障風白石望如

近素絲看若空青精千歲樹丹影五仙缸餘明如
不息還持繼燭龍張禹山曰凡詠物詩不工則泛太工則弱此詩咏物極工而體

句在古樂府中表表獨步

古春郊得紫字張惟信同賦

韶景臨上春年華屬元巳晉禊首洛濱鄭風詠溱
洧渙川盈蕙蘭芳蹊蔭桃李宛宛流文鶯班班韻
澤雉園翹豐綠萸水葉牽玄沚百琲佳麗人千金

標與響同

緹音題帛
丹黃色

遊冶子飛蓋雜英前行
遊芳樹底廣幕耀周緹
袿服矜齊紫野隰被華丹
林籟和宮徵徒倚非送歸
躊躇因望羨陌上君馬飢
閨中妾蠶起晴絲颺鳴
鞘香塵翼還軌冲虛情已
遺沉痾酒仍止請從張
茂先清言洞名理

古首夏送東城邵園餞彭子克給諫得送字

遲遲東畧移習習南薰動
暄樹語綿蠻晴嵐收斂
疎羨人獨遙裝良儔遠相
送城隅敞行筵陌塵靜
飛鞚漸臺高白虎梓澤隣
金鳳掛衣女蘿谿展席

仙霞洞香影散清陰
雲液流春瓮鷓首且沿迴
驪駒太倥傯竹枝巴渝聲
枇杷葉江南弄明發聽晨
鐘悠悠隔江夢

古補范石湖占陰晴諺謠

朝霞不出市暮霞走千里
日早雨淋腦日晏鴈晒
翅天道管難窺農談綽有
理星占溼土時諺云乾
星照溼
上明日月驗仰瓦比諺云月如仰瓦
不求自別別
依舊雨下月如彎弓
少雨多風別別
鷄上籠雞上
雨趨趨魚秤水魚跳
出水雲起櫻梯
天諺云櫻梯
日沒燕脂紫
紅無雨也有風電光分

揚升菴

二十二卷

九

秤音祝呼
鷄重言
之聲
衡者秤也

南此陰霽在俄晷年此閃眼前紅為水椿兒紅主

主雨明而長者主晴短而霧是山中子諺云山頭

暗者俗呼水椿兒主雨黑猪渡斜漢夜視天河中有黑雲謂之野猪渡

不風蒼龍銜金烏抱雙珥日抱耳聒聒卜蛙鳴疆

疆占鵲喜戴帽視泡文雨點有泡謂着裙看瓮底

瓮下有滢痕曰金星驗雜出燈花結雙藥昕夕恒

目擊雨暘如掌拍方朔廢射覆洛閣休歷紀先哲

有格言林卧觀無始

古補杜子美哀張九齡詩

相國生南紀蔚為曲江彥山接韶音峯秀鍾重華

甸風雅既歲黹聲名鬱葱倩登庸伊呂科敷奏姚

宋羨珠澤隨侯雙玉林却說片九重集神仙咫尺

生碩盼陸謝擅綠情沈范采餘絢九遷帝獨竒三

臺師錫薦補袞綴宗彝用藥必瞑眩防乎貴未然

介焉斷幾見狐媚蕩主心狼子紆皇眷金鏡倏垢

塵玉弩驚腥啓萋斐偃月堂棄捐秋風扇鼉動漁

陽擊亡蝨飛太極箭朱鸞奔咸京青驪乘蜀傳棧閣

雨淋鈴宛洛颺迴縣蜚鴈愁仰霄昆蹄怯升甌噬

昕音歛

却與隙同

甌音演與底甌

齊漫天泣回腸嶺南莫精已箕尾騎鳧猶螭頭戀
絕綫國步危規填忠言賤青史篆峰嶸翠珉藤
夔蔓誰珍徐孺碑彫虫但黃絹

劉涇溪云九齡大節在奏請斬祿山以絕後
患杜公八哀詩既不明白末亦不及另祭事
殆失詩文未免拾其細而遺其大也慎輒為
補一篇豈敢以龍涼聞華袞鈎刃齒步光哉
亦續涇溪之餘蘊發曲江之幽光觀者勿

安寧溫泉詩 滇中集

序曰溫泉之在域中最顯名者新豐之驪
山而泉實不佳水沸如蒸難以驟入硫黃
之穢逆於人鼻稍不潔治則窮谷之汚生
以青苔如鼉蟻衣驪山而下曰汝水曰尉
氏曰匡廬曰鳳翔之駱谷曰渝州之陳氏
山居 今合州曰惠州之佛迹巖曰閩中之
劍浦曰新安之黃山曰閩中之郡縣曰薊
州之遵化曰和州之香陵雜見于地里之
志詩人之詠滇雲之地溫泉尤夥其在寧

州白崖龍關浪穹宜良永昌騰衝若夷徼
邊隅不可勝紀要獨以安寧之碧玉泉為
勝滇水號曰黑水雖盈尺不見底而此泉
持皓鏡百尺纖芥畢呈一也四山壁起中
為石凹不煩甃甃二也浮垢自去不待攪
拭三也苔污絕迹不用淘滌四也溫涼適
宜四時可浴五也掬之可飲尤發茗頽六
也盃酒增味治庖省薪七也雖仙家二危
之露佛地八功之水何以加焉謂之海內
第一湯可也徽州程羅山孟明語予謂此
泉為溫湯之冠并出姑蘇陸文量所著菽
園雜記驗之而信其地去州十里而遙其
往也楫以螳川軸以龍山映以虎丘帶以
曹溪山川之美觸可登臨使余樂謫居而
忘故里者非茲泉也與攝篆府通守南原
孫公世守魯泉董公鹺司松崖張公授簡
于予曰是泉為安寧之勝亦蜀之峨眉游
之西湖公可無詩乎予嘗憾此地限閩中

黥 音衣

譽 音預

木升者

原使此泉湮沒不得遇風流之宋玉神雋
之太白瑰邁之長吉博綜之東坡穿天心
出月脇之奇語以洗驪山之汚而躋之三
危八功之上四公不可作矣而屬之

之孱予一老是彫刻赤土唐窰丹砂也聊
書十韻為群玉之引可乎其詩曰

黥岫靈砂泚 徽州黃山有溫泉是朱砂窰所發春
時色微紅可瀹茗謝客詩云石磴瀉

紅泉蓋華清碧石湯 驪山華清池乃碧石所積李
是類也 賀詩華清池中碧石湯徘徊

白鳳隨 佳名雖許并仙液 詎堪方火井元通脉曹
君王

溪且讓香 東坡詩水香知是曹溪口
本在嶺南此地傍亦有曹溪流温涵水

碧 水碧蓋仙藥珍品金膏之隅也謝康樂彭蠡湖
中詩水碧輟流温朱紫陽廬山温泉詩引用之

即以流温為温泉云○安寧比 氣鬱謝疏黃清暑
地名碧玉泉亦取水碧之說乎

南薰際回暄北陸傍體應偕鷺潔心不假犀涼春

醞熏蘭笋雲腴泛茗榭 醞酒蒸茶
皆增香味 弄珠餘浣女鱠

玉贖漁郎瑤草蟠千歲 岸有無名樹
四季不彫 瓊芝綴九房

端州任鳳德俯池
得石芝光瑩如玉 溫柔真此地難老更何鄉 張平
子南

都賦温泉蕩
和而難老

古遊三塔寺晚登鶴雲山麓 滇中集

易十卷

三卷

廿三

贖 音孕以
物相贈也

棋升著
置酒三塔下 騁望三塔顛 三塔不可上 杳在白雲
天朝望 蒼山岑 夕上 蒼山趾 蒼山不可窮 日落悲
風起欲騎仙人鶴 共看仙人棋 仙棋不可見 仙人
去幾時

太史升菴全集二十三卷

成都楊慎著

從子 有仁錄

維揚陳大科校

新都周參元重刊

七言古詩

送李元白侍御巡茶馬

漢家六郡防秋野 秦地長城限諸夏 單于自款幕
南庭天子非貪大 苑馬柱史東臺獬豸冠 霜威壯

易十卷

二十三卷

塞斗牛寒衛青驃騎尋常足充國屯田什一寬隴
頭流水停鳴咽朔吹先春飄惠澤好繼周書王會
圖休翻樂府關山月

紫杉行

雉雞斑文孔雀尾紫杉載月八千里越舫楚舵相
並行半入明湖半斲水人生醜好無百年束縛亦
得歸黃泉此物何用一百片水鬼柳榆風浪顛

明當

作

養龍坑飛越峯天馬歌

高皇御天開大明龍馬去自養龍坑房星夜下鹿
盧寨天駟曉來驃騎營殿前重瞳回顧眄奚官伏
外爭相迎鷄鳴牛首試控縱鳳師麟儀無逸驚歸
風絕塵羨迅疾速日先影羞翾輕四蹄翩然不張
地六飛如在空中行是時雄首有奢香左驂壯驪
右牝黃貢上金陵一萬匹內廐惟稱此馬良宸遊
清燕幸鸞坡學士承旨讚且歌飲以蘭池之瑤水
秣以芝田之玉禾飛越峯名自天錫駿骨雖朽名
不磨至今百七十歲時山頭猶有養龍池方經地

御與揸同
手相弄

馭音祖

志或遺漏箐苗洞那能知吾聞天下有道飛黃
伏皂又聞王良策馬車騎滿野前時吉囊寇大同
烽火直達耳泉宮近日莫瀛亂交趾羽書牙璋徧
南中安得將星再降傳友德房宿重孕飛越峯一
月三捷獻俘馘千旄萬旗歌熙雍嗚呼將相寧有
種龍馭豈無媒經途訪跡一興慨郭隗孫陽安在
紉長歌終曲長風來

題夏仲昭竹寄陶良伯驥

太常胸次瀟湘寬少年愛寫生琅玕白頭藝苑更

入妙筆法遠追王孟端兩家名藻雄吳下品題未
覺風流亞一紙能令百世傳兩竿不啻雙金價人
言畫竹非画工草書結構將無同誰家高堂名寶
繪徐熙花鳥迷青紅玉人佳興松江東寄圖索賦
隨長風遙知把玩清香裏正是相思明月中

擊壤圖

陶唐天子調八風鳳儀默舞明廷中誰知鼓腹行
歌者復有山中擊壤翁短袖單衣露兩肘野狀村
容不自醜樛髯笑傲肩相隨共道帝力我何有柳

多音意殺也死也

谷餞日暘谷賓老翁那記昏與晨一作一息有出
入時耕時鑿無冬春冀茲開殘又朱草生來未識
平陽道海隅赤日燒九州寰中息壤汨洪流已見
天戈揮丹浦更聞風伯殪青丘老翁其間百不憂
直從紅顏到白頭君不見許由逃堯勞步履巢父
洗耳污清泚華封老人費言辭康衢小兒強解事
姑射丰姿雖可珍神仙彷彿信難真君看擊壤千
年後多必行歌帶索人世對兩字不啻雙金對人
離席行送彭二幸菴尚書之弟

昔子從軍巴蜀山橫戈千里何間關坐使麒麟日
月煥行收魚鳥風雲閑文武才名歸一姓兄弟勲
華許誰並起晚已謝時運傾當陽再覩乾坤正陟
岡在原來復返海水天風歲將晚行行白馬燕雪
深飛飛黃鵠秦雲遠離堂命酒羽觴疾畢昂盈軒
月東出主人留連客離席慷慨為字歌今夕
會山海風行
下關臨蒼海點蒼之衝有石梁曰天橋口
歲恒風烈偃樹走石人馬辟易子夕憇客

郵聞吼聲傍枕發
响尤雄明適過之
織蘿不動乃賦以志之

蒼山峽束滄江口
天梁中貫晴雷吼
中有不斷之長風
衝波動林沙石走
只尺顛崖迥不彳
征馬長嘶客低首
我行其野歲仲春
春寒野陰雲物屯
病骨凌兢坐自躓
欲去未到先愁人
山靈相假若有神
纖蘿不動停風塵
烏鳥聲樂旅顏破
僕夫笑語龐眉伸
翻思往昔蘭臺直
披襟曾奮雌雄筆
金門玉堂遠別來
景差唐勒長相憶
飄蓬落羽向南荒

憔悴榮華寧有常
不學回風悲屈子
江邊愁結笑荷裳

新開嶺行

廢丘關前榛莽積
新開嶺上烟嵐闢
新途古道太多岐
暝色荒烟帶征客
岸下寒江流水碧
崖畔霜林楓葉赤
日暮畏行豺虎陌
松燈蒼火投孤驛
北渚鳴鼃應遠更
南巒哀猿響終夕

王溪云棧閣夜行方識此景

奇景行畢節早行作

晴嵐空濛暮朝彩
頓看色界澄飛靄
白雲翻在半

山腰下窺深箬如銀海須臾赤日上青林銀海鎔
為紫磨金窮岫瘁鄉那有此天教竒景換豪吟

苔磯費生畫屏歌

往年嘗愛岑公詩吾觀費子毛骨竒婉孌總角突
而弁粉繪風流今在茲素屏八幅君能畫咫尺江
陽影仙界寶山春眺立蒼茫海觀秋瀾湧澎湃龍
潭時雨稻苗齊霽雪方山勝剡溪白塔朝霞紅散
綺東崖夜月明如珪荔子丹芍錦林麗餘甘客舫
無留滯避喧可當武陵桃招隱還同小山桂乘興
何須慕遠遊山中日月自悠悠君不見眉山蕭旭
亦好手流落滇南今白頭

琵琶短引

唐池南席上作

漢宮佳麗呼韓婦黃金捍撥春風手鸞鳳宜承馭
娉恩犬羊翻作穹廬偶行行北斗望南看馬上
一聲堪白首茫茫烟草斗胡笳漠漠塵沙雜刁斗塞
垣三秋少鴈鴻幕府四月無花柳楓香絕調今共
憐糞英幽恨君知否遺譜誰將異代傳豔辭自出
騷人口賀段本領昔已荒穆曹官調知何有定子

馭音鞞馬
行疾也

詞

趨音趨

颿與帆同

難音然

新從北里來杜牧管兒不是東墻樓元微華表工
 彫犀四稜錦條自結絲千縷琵琶四軸名華表兩
 賦孔名迴窻見顧凱之撚絃運軫翠斜盤促過急節朱鸞走輪袍古引
 連瑣新驚颿截浪忽雷吼曲終賺尾復重頭掩却
 瓶笙魚瓦缶良夜邀歡松炬難主翁愛客江魚剖
 善謔欣逢宋魏三知音况對唐元九飽諳世事友
 覆多井向天涯淪落久船中肯溼馬曹衫樽前且
 進牛爰酒今向射虎圖為箬溪都憲題

錢選好子工白描粉墨丹青色沮喪細觀逸迹迥
 不俗氣骨深穩形蕭放中丞此圖開似我行行遊
 獵極殊狀漢家昔日李將軍生射猛獸天下聞
 響乃半夜沒白羽飛鞚晴畫生黃雲今之圖畫無乃
 是披卷似覺陰風起積雪慘淡長白山草木蒼乾
 松漠間將軍身乘大宛馬從騎亦是驍雄者合圍
 射虎虎帶箭相持不肯遽相下虎關馬驟兩若飛
 咆吼欲震長平瓦東海黃公魯亦莊裴旻舞劍相
 頡頏古來英英者數子繪事簡冊傳芬芳何物少

楊子補
陵愁杜甫短衣南山思射虎老驥伏櫪悲鳴苦壯
士哀歌淚如雨天狼煌芒直威弧安得此輩西滅
却走馬蹄報神都為獻
款塞圖

卧月引為錢節夫賦

昆明池上逢錢郎青雲為衣白霓裳手持寶月金
仙偈口誦明星玉女章自言五華峯頭住夢遊玄
圃樊桐路御風學霧兩無心惟愛月華籠海樹少
年名姓懸月中老去猶充脩月戶月裏仙人宋無
忌持斧吳剛作仙使下界咬月升高丘步虛一聲

龍白頭何如放舟卧明月仰看銀河天倒流乘鸞
翳鳳過北斗焰景煌煌酌天酒玉兔為脯桂作薪
笑携吳宋兩仙人老蟾踏翻醉不醒嫦娥起舞榆
花春

石雲寺見山茶梅憶愈光

本業

江梅山茶早爭新點蒼逢春憶滇春金碧同遊似
昨日紅素兩芳如故人此山見花還載酒醉歌激
越喧林藪莫看華鬢驚客心且喜風光入吾手

寄張季文

美人別我歲幾華碧草五見生天涯東風東來飄
錦字忽如青天披雲霞往年君向秣陵去海夢橫
分溧陽樹今年君自滇池還風光又隔點蒼山佳
期不得同携手惆悵令人青鬢斑

賦得靈巖閣送余懋賢名承業

青衣江水青楓林靈巖樓閣冠靈岑鯨音曉徹三
峯靜漁唱霄連五渡深三峯五渡招提景雙林八
水氛埃屏花兩諸天白壁雲松風六月丹崖冷丹
崖白壁上清虛石竇雲龕縹渺居玄度每過支遁

室陶潛常醉遠公廬子別靈巖歲初改早見聳儀
動江海仙舟玉節下清冷烟巒霞嶼生光彩巖前
落水秋紛紛櫻下澄江靜練紋登臨定擬湯休作
好寄新題向碧雲

太史升菴全集二十四卷

成都楊慎著

從子有仁錄

維揚陳大科校

新都周參元重刊

七言古詩

提學陳西漁品士亭歌

君侯品士如品竹品士亭阜森種玉擬占易象玩

蒼筤逝將詩興歌淇澳洊雷半夜擇龍驚嶰谷先

陟音洪從
陟山名
在雲南

春紫脫生脩織一一如人立節足聲聲學鳳鳴伶
倫律管迷宮徵千載元聲元不死文章迥出珊瑚
枝簫韶猶在瀟湘水黑頭心期汗青日獨騎魯麟
續魯筆禮樂攻吾化雨滂藻彞繪帝卿雲密赤闌
西面最宜秋靈籟沉沉顛氣浮手中九苞屬天匠
眼前萬物供真搜江湖那容閑袖手三山六鼇亦
何有只今赤管輝金章豈數當年斬許昌甘露竹
花何漠漠此地容無此亭着乾坤光燄燭滇陟早
晚勛華上阿閣

錦津舟中對酒別劉善充

錦江烟水星橋渡惜別愁攀江上樹青青楊柳故
鄉遙渺渺征人大荒去蘇武匈奴十九年誰傳書
札上林邊北風胡馬南枝鳥腸斷當筵蜀國絃

贈韓飛霞

往年見君黎州城荒林明月尾虎行凸杯百罰醪
醪酒么絃四犯玲瓏聲十六年來若反手天涯白
髮遮相驚君今結舫漁磯宿愁霖我住癡禪屋空
江瑟瑟縈霜葭濕磴層層阻雲木晴風何日颺茶

烟策杖相求慰幽獨

紅蕖引用李長吉體

紅蕖羅襪艷長江
苔錢翠膩方鞋幫
邯鄲步弱西陵遠
螭欲飛元的雙
妙鬢雲盤巫螺淺
垂柳梳梳花剪剪
魚尾霞烘卵色天
紫磨金輪月夕圓
行波遙遍綃宮殿
素女多情愁牌絃

隳括劉緩李巨仁及古鏡銘詒

君家寶鏡何年世
土花苔葉新開翳
茱萸匣掩鷓鴣班
珊瑚臺掛蟾蜍臺
是軒轅鏡姓温
背後銘

牌音判

隳音隱

匡庵入声
菴媚迤
合也

挈音初臺
引也

樓同艘

槭音足木
可作大
車輦

文冑子孫海氣空
濛若圓燈勾闌匡
匡似城門雄鳳雌
凰本自雙左龍右
虎順陰陽繡戶無
波菱自動紗窓不
夜月恒光上有仙
人不知老渴飲玉
泉饑食棗嫦娥休
上廣寒宮偃佺同
住蓬萊島

為唐池南題秋江遠眺圖

秋空沈寥秋影澗
魚尾霞收雲一抹
千崖有靄風落山
萬壑無聲水歸末
杈枒老木挈虬龍
棹槭平林叫鷓鴣
不聞金籟似筇鳴
但見翠微如黛滌
窳堵僧睇迫不昏
略約樵行危易怛
一變赤燒楓人

賦田音均整
田也

明萬箇黃雲稻孫割尋穴玄駒迷東西卜樹烏鴉
相叫聒詞客頻將技癢搔畫工欲把天機奪老倦
捫蘿與攀葛倚闌獨把吟髭捋遙岑寸碧天杵倚
遠目雙明海月掇開樽披圖興不淺烏絲欄界玄
霜沫為君走筆賦新詩却笑蕭郎擊銅鉢

賦得千山紅樹圖送楊茂之

蕭郎雅工金碧畫愛画碧鷄與金馬畫作千山紅
樹圖行色秋光兩瀟灑搖落深知宋玉悲登山臨
水送將歸丹林初曉清霜重紫谷斜陽赤燒微故
人辭我故鄉去真樹遙遙接巴樹桑落他山共醉
時楓香客路銷魂處白首豈荒老未還流波落木
慘離顏錦城紅溼那能見千里隨君夢裡攀

後神櫻曲有序

司空南坦劉公元瑞慕陶貞白茅山櫻居

足不履地之事而未構櫻也待詔文衡山
為繪櫻居圖俾神栖焉射陂朱子曰藩作
神櫻曲余隱括其意為後神櫻曲

安期昔製神樓散射陂今作神樓曲神樓主人南

斬音綆又音平

雲音韻又洽與

雲考平声雕也脊

坦翁欲往從之限空谷吾聞仙家五城十二樓樊
桐方丈繞瀛州長風引舟不可到環中根像空神
遊坦翁元是神仙流何年飄然下丹丘天庭摘藻
揆鸞鶴雲軒立仗鳴華駟壯斗南宮不肯住掛冠
歸來營菟裘碧瀾菴盡開茗雲紫烟縈帶彩雲夾
新波菱栲泛青翰過雨蘋風爽烏恰人間九戩播
聲詩天上五龍傳睡法青李遙看尺牘來崔羅淨
掃昏眸開尻輪神馬馳萬里坐我赤明龍漢臺一
氣孔神存中夜手翳華芝海若詫中有真人巾金

巾授以靈文老復姹元珠纍纍蒼玉鳴烽沉柝聞
歌太平豐屋天翔鬼瞰室廟謨何用談佳兵遊仙
夢覺聞清嘯載賡清潤連清調願從廣成順下風
肯許襄童窺末照咸池濛汜絲如馳扶起混沌頂
神鑿他年合遇神櫻斂約公海上尋安期

高縣義士行

山都水都蠻寨連九絲之城如絲牽鴉飛不到山
勢惡篋笏剡戟生愁烟沿村殺兒將女去黃鷄白
犬不得眠主兵不救城郭遠含冤茹苦徒呼天高

縣義士譚金錢鳴嘯侶掛戈鋌衆寡不敵吁可
憫捐軀舍生遭竇顛至今里杜傳靈異表厥坊宅
榮陌阡何當尸祝慰毅魄以配九歌國殤篇我今
感作義士行他年貞石堪銘鐫

晉市

孤城比屋雪封瓦重露濃嵐冪四野飄颻風凹巧
回鳶凝涸水槽工溜馬倦客落日投主人冷突無
烟炊濕薪敢辭白首禦魑魅眼見木夫尤苦辛

赤虺河行

君不見赤虺河源出芒部虎豹之林猿猱路層冰
深雪不可通下尋建木撐寒空明堂大厦採梁棟
工師估客穿蒙籠此水奔流似飛箭縛筏乘桴下
蜀甸黯淡灑瀕險倍過海洋流沙爭一線誰駟鳥
鵠後黿鼉秋濤夏潦息盤渦栢亭雲屏濟川手莫
民枕席休干戈安得脩為夷唐道鐫刻靈陶垂不

磨

赤虺河即唐武后世征雲南檄文所
云赤虺河也虺呼為水音相近爾

寄題陳海樵息柯亭

海樵仙人居海濱僮佺羨門為主賓一口汲盡東

海水海底珊瑚樵作薪邇來又逐雲中侶鱗宮貝
屋難留注六月一息逍遙遊斧柯掛在珊瑚樹

與劉虛湖醉對白石畫舫亭

七十二年老遷客騎馬復走滇雲陌二妙風流絕
代無譚笑渾忘窮海謫畫舫亭前花正開佛桑含
笑粉紅腮畫圖更愛韓熙載一幅嬋娟進一杯

華燈引琴思漢調

燭龍潛耀顧兔微金缸委照玄夜暉蘭膈吐焰芙
萼歲熒熒火齊歎煙幾九枝絢爛虹九圍丹鯨樹

鬢蟠彩翬長明掃暈蛾停飛啼鳥聲緯惣龍扉東
山戎旅吟伊威鳴梧高張黼低帷背壁抱影鼓思
歸星翻漢回海漏稀

題扇贈張愈光

張子扇頭水墨痕畫我讀書秋樹根天涯對此各
感慨我未成歸予苦奔空谷白駒形影瘦南山左
豹風塵昏孔明廟前老栢樹商聲激越歌無句門
外僕夫引西路點蒼磷磷莽回互
辛卯除夕飲潘郎金斗歌

主人新得黃金斗，好客尊前為余壽。招搖揭柄轉
春星，沆薤騰波挹仙酒。天涯今夕歲云徂，痛飲狂
歌夜良久。乍可用尔為鴟夷，萬事盡付持杯手。君
不見商彝周鼎徒聞名，見之不識人不取。

謝周健夫惠易冶劍歌

仙翁劍客元同流，昆吾歐冶誰能儔。鑄成寶刀戛
琳瑯，蛟龍宛轉盤斗牛。上有款識燦銀鈎，隱隱起
如雲色浮。天吳俛首黔羸愁，白日犀塵不敢留。却
鼠鳴鴻赧然羞，使君得此自玄州。太行剛風鷹隼集

蝟音窳月所生

狺音銀犬手吠声

蹇與讓同

呖音血小声

秋何物妖魅干天囚，一揮可當萬貔貅。蹄神日母
抱地喉，霜稜霞燄夜不幽。獨騎赤驃馬，棗騮身披
昂藏日本裘。上黨霰宇塞，峴幃星沙月。蝟輝滄洲
天門狺，狺虎豹彪。瑤臺佚女之蹇脩，歸來茵閣與
蕙樓。水擬方壺山，擬緹吹首一呖。嗚莊周生平不
能作，削謳乍可公孫舞。纏頭蓬髮濡墨驚，潛蚪雲
岑仙人意氣投。解后贈我千金訓，沉烽靜柝無國
仇。含光承影將何求，夸蛾巨靈機已休。洞庭君山
如苔漚，他時相携負嶠遊。

禹碑歌

禹碑在衡山絕頂韓文公詩云岫嶺山尖
 神禹碑字青石赤形模竒科斗拳身薙倒
 披鸞漂鳳泊挈虎螭軍嚴跡闕鬼莫窺道
 七獨上偶見之我來咨嗟涕連沍千搜萬
 索何處有森森綠樹猿猱悲詳詩語始終
 公蓋至其地矣未見其碑也所謂青字赤
 石之形模科斗鸞鳳之點畫述道士口語
 耳若見之矣發揮稱贊豈在石鼓下哉迨

音而連
淚貌

明也
胡上聲

宋朱張同遊南岳訪求復不獲後晦翁著
 韓文考異遂謂衡山實無此碑反以韓詩
 為傳聞之誤云再考六一集古錄趙明成
 金石錄鄭漁仲金石畧之三家者古刻明
 列無遺獨不見所謂禹碑者則自昔好古
 名流得見是刻亦罕矣碧泉張子得墨本
 於楚持以貺予予撫卷而歎曰嗟乎韓公
 所謂事嚴跡闕者信夫不然何三千餘年
 而完整無泐如此何昔之晦何今之顯晦

响音苟

嶮樓上声
山顛也

銛音暹利也

者何或翳之顯者何或啓之天壽珍物神
飫吾嗜不必以生世太晚為恨也已作禹
碑歌以紀之
神禹碑在响嶮尖祝融之峯凌朱炎龍畫傍分結
構古螺書匾刻戈鋒銛萬八千丈不可上仙扃靈
鑰幽以潛昌黎南遷曾一過紛披芙蓉塞水簾天
柱夜瞰星辰下雲堂朝見陽輝暹追尋夏載赤石
峻封埋古刻蒼苔黏拳科倒薤形已近鸞漂鳳泊
辭何纖墨本流傳世應罕青字名狀人空瞻永叔

體音遂小

据均上声
拾取也

影音勳畫
飾也

渠音跌

恢險平声

悞音談

音航

明誠及浹滌集古金石窮談蕪昉列箴銘暨款識
橫陳駢體和釜鬻胡為至寶及棄置据據磨礪指
烏蟾又聞朱張遊岳麓霽雪天風影佩褫投竒索
秘跡欲徧春倡撞和詩無厭七日崎嶇信有覲一
字膏馥寧忘拈非關喘渠阻登陟定是藤葛籠窺
覘好古予生嗟太晚拜嘉君賦情深恢老眼增明
若發覆尺咏禁斷如施笄七十七字挈螭虎三千
餘歲叢蛇蚺憶昔乾坤漏息壤蕩析炭庶依岑椽
帝嗟懷襄咨文命卿佐洛洞分憂悞洲并渚混沒

迹

禡

鮫

輓

噍

堪

覓

颯

拓

鷓

音解衣

綠也

音袁馬

音鼻也

音黏

音堪不

音行貌

音託

音兼以

杉子者

二十四卷

十

營窟鳥迹獸迹交門簷竭來南雲又北夢直罄西
 被仍東漸黃熊三足變鮫服白狐九尾歌龐神後
 乘包湖受玉籙前列温洛呈疇輓永奔窟舞那辭
 胝平成天地猶垂謙華嶽泰衡祇鎮定鬱塞昏徙
 逃喁噍文章約爛懸日月風雷呵護環屏黔君不
 見周原石鼓半已泐秦湫楚詛全皆殲此碑雖存
 豈易得障有嵐靄峯堪巖是音賈絕柱藜藿吊影
 颯瑟森櫛栴湘娥遺佩冷斑竹山鬼結旗零翠歛
 造物精英忌洩露祇恐羽化難留淹欲摹拓本鐫

崖壁要使好事傳細鱗著書重訂琳瑯譜裝帖新
 耀瓊瑤籤麝煤輕翰蟬翅榻煩君再寄西飛鷓

又升菴全集二十四卷終

二十四卷

十

駁 駁音如
受 受音受
颯 颯音沙

大史升菴全集二十五卷

成都楊慎著

從子應有仁錄

維揚陳大科校

新都周參元重刊

七言古詩

南枝曲

會川五里坡獼猴哨邊有古梅一株婆娑

蔭映形如曲蓋封薜斑駁文如篆籀蓋數

駁音如

楊十卷

卷五

*

百年物也予平生所見梅樹此為冠絕惜
乎生於窮山絕域而不得高人韵士之賞
也玩歎之餘作此曲焉

我渡烟江來瘴國毒草嵐叢愁菁黑忽見新梅紫
路旁幽秀古艷空林色絕世獨立誰相憐解鞍藉
草坐梅邊芬蓋香韵風能透綽約仙姿月與傳根
地錦苔迷蟻縫樹杪黃昏搖鳥夢飄英點綴似留
人顧影徘徊若相送焦桐椽竹亦何心中郎一見
兩知音誰謂南枝無北道願譜金徽播玉琴

水峽驛觀瀑布泉行

水峽羣山日月昏飛泉百道接江門猶龍近迓晴
虹掛似馬遙看足練奔懸紳瀑布屏風疊砮崖轉
石青天折三千尺下直難量十二嶂流承不絕

見水

經煙靄霧捲滴珠槽靄淨嵐沉冷玉膏莊周虛說
鼃梁險枚叟空誇驚磧濤一從流成辭巴蜀幾迴
于役行荒服百丈頻經水峽牽孤燈慣向江門宿
織蘿不動月明天彷彿桃源擬問仙滄溟有氣張
圓燈銀漢無聲瀉直弦山水清輝殊可樂已覺蟠

胸飽卸壑乘興聊賡太白篇知音莫笑徐凝惡
九厓草堂歌為督學余公賦

君不見九江之地匡廬山山人匡俗廬其間往時
曾讀支曇賦夢想神遊不可攀又不見東林梵宇
金銀寺蓮社松門清且麗陶劉宗雷有遺跡錦苔
不識遠公記竒甸靈區迥異常僕行敷落那能當
生賢下瑞在英俊物華天寶呈文章潯陽魯寓李
太白芙蓉峯前寄行宅春金曼玉詩百篇九江秀
色可攬結九厓先生儒之英含章秀發元氣精錦

心萬卷汲脩綆霜蹄千里邁遙程竭來邂逅滇之
麓訪我迴谿與深谷往年曾枉瓊瑤書十襲珍藏
昕夕讀暇日示我草堂圖平林窈窕還崎嶇知公
袖中有東海藻鏡流洪九派紆巖廊登拜在朝夕
肯放鴻臚許龍蟄銷鳧帽脰金馬門日望東南遠
山碧

竭音傑帽音絹脰音豆

贈張生一鵬歸涪江并柬太宰松泉夏公

嘉君新自涪州至袖有松泉經歲字江潭憔悴采
離騷邱壑風流閑啟事西窓剪燭話巴山空谷是

音一解顏何日陶潛三徑就追隨范蠡五湖間

宿金沙江

往年曾向嘉陵宿驛樓東畔闌干曲江聲徹夜攪
離愁月色中天照幽獨豈意飄零瘴海頭嘉陵回
首轉悠悠江聲月色那堪說腸斷金沙萬里樓

寶慶相

詠史彌遠也楊鐵崖有此篇余讀之恨其
深文隱語不足以誅姦諛且捨彌遠而旁
罪余天錫梁成大與趙葵諺所謂無奈冬

瓜何挺著瓠子磨也重賦此首

寶慶相臣大商賈不販海貨販宋主晝化飛燕琢

皇孫夜駕老蟾嬪月母

彌遠表裡揚后遂有三思之寵有作樂府詠雲以譏

之云往來與月為傳舒卷和天也蔽四十一年富且融格天偃月將

無同老死牖下猶未艾生鬼歸來稱鬼雄君不見
井研諫臣鄧若水一疏彈姦澹菴比拾星漏曦非
良史續宋綱目者誰子

毛女引

音避

雌黿架濤擊海嶺秦橋遠見扶桑翠徐福櫻船去

駱音進馬
蒼白毛
髮音交乾
勿芻也

不還江壁俄傳蒼水使椒烟蘭霧卷衣人化作鳥
駱一炬塵老龍鱗下毛衣女獨坐蓮峰閱幾秦

高峽曉發過滇

碧雞關頭月上霞高峽海色分人家茨塘眠柳猶
藏鴉雙雙柔櫓聲啞啞船尾風輕浪不花轉盼已
屆滇之涯

古歌寄盧思邵

我所思兮在石湖欲往從之無輕艫晨朝遠望盡
平蕪美人贈我白象籤何以報之蒼玉鉅路遠莫

致倚煩厭何為懷憂心出潛

我所思兮在筆溪欲往從之無輕輓夙昔夢見烟
水迷美人贈我文錦帶何以報之研光貝路遠莫
致倚蕉萃何為懷憂心惋憤研音研

送周世寧進士歸楚

周郎同榜復同庚瓊樹風流四座傾薇省爭傳八
義賦杏園都重數車聲鳴珮曉隨鶴鷺遙望雲春
隔鳳皇城素衣應染緇塵久燕鴈荆鴻幾回首秋
後蕭林轉北風烟中五兩隨南斗東南今已靜風

造音勞去声
倅也齋也

鄖音焉也

塵舵鼓漁燈夜問津楓林日出明丹葉瓜步潮來
沒白蘋銅堤折柳驚霜早赤壁吹簫見月新艤舟
停榜鄖西汜展愛高堂承燕喜梅花索笑侍斑衣
椒酒揚芳稱玉匝少年何事獨遲回枕藉離騷紉
蘭芷相思早訂相見期勿使美人娟娟隔湘水

冬晴三章寄彭幸菴

冬晴連月歲欲闌北陸脩景迴南巒行人喜舞農
人歡負耒杖策各自返過涉不愁溪水寒
岷山白日多光輝清江微霧雪霰稀魚龍不蟄鴻

鴈飛塞上將軍未解甲城南思婦夜縫衣

岸梅春動江不波玉顏粲粲面鏡柯瑤洲霜晚繁
香多吁嗟二物堪贈遠如此迢遞關山何

香霧髓歌

余得巨柑于江陽形如此方瓶梨不忍食
之携至榮昌清夜與冷漢池夜話漢池不
飲乃出是柑剖之味亦異恒品漢池曰昔
廖明略晚登坡門飲以蜜雲龍飲茗遂為
嘉話珂也晚登公門此亦公之蜜雲龍也

瑤同瑤

巽 同巽音

請以坡詩香霧巽人及陸天隨星髓未彫
之句合而名之曰香霧髓仍出鶩硯棗心
筆屬子作此歌云

君不見東坡先生蜜雲龍絨藏遠自朝雲峯宛邱
淮海四學士分江貯月初啟封又不見升菴老人
香霧髓獅頭瑞栴萍實比香霧巽人星髓開錫以
嘉名漢池始龍團獅栴各有神江陽玉局共稱珍
若把西湖比西子從來佳茗似佳人君才十倍廖
明畧姑射風姿昆玉脚蘭舟菱唱朝陽詩閑情止

醉 音亦醉
酒也

醜 音鉞
酒氣也

酒淵明作黑頭醜早歸來枕谷棲邱步紫苔王
陽迴車九折坂楚筵辭醴三休臺玄言疊疊懷坡
老清夜沉沉同絕倒燭淚融成兩鳳凰仙蹤迥寄
三青鳥酒醜邀我賦短歌楚頌亭前芳思多像置
伯夷真不翅才盡江淹其柰何

南嶽觀汝南王王磬碑引

汝南帝子真天人冰壺玉樹凌風塵心源早契空
門地意象遠寄荒岑瀕步折峯頭翠肌草直登萬
頃層霞杪金鞭九馬蒼煙叢霓旌千騎紅雲島伐

石何人得磬襄豐碑擊作聲琳瑯鳳凰毛羽落丹
穴較龍文采蟠銀潢山圖郡乘收難采波瀾東逝
星辰改眼見雙林成古邱誰問君王仙跡留可憐
南浦西山外猶有鳴鸞歌舞樓

蘭引

霸薰香草名見范子計然胡繩亦香
草見楚辭

廣莫風中小歲春百昌未吐蘭芽新柔芸都荔元
同節園柳宮梅且後塵南國美人東家子若英華
彩茗榮比蕙櫻茵閣起江邊綠葉紫莖羅戶裡崇
佩朝充翡翠囊温湯夜浴駕央水博山爐中百和

香虎蒲龍棗及都梁流雪迴風縈洛藹橫煙斜霧
裊秦芳曾聞有酒布蘭生復有雅曲猗蘭名願分
明燭徐吾影來媚國香燕姑情

贈李中溪

滇中集

蜚英早歲謝臨川高興歸來李謫仙繡斧掘雲穿
喘嶮青鞋乘月弄潺湲寒蟾老兔明今夕火棗交
梨駐大年丹簡頻封朱字篆彩毫新注翠虛篇麻
姑金醴清如露姹女瓊肌白似蓮耐可竹溪尋六
逸擬從蓬島問三筌玄珠罔象饒君得玉液磷滯

為我傳天矯茅龍琪樹下參差笙鶴桂花前入林
把臂應無禁結社逃名信有緣還倚醉狂歌一闋
相期歲歲與周旋

題梁生霄正蒼山奇石屏歌

滇中集

蒼山嵯峨十九峰暮靄朝嵐如白虹南中詩人有
奇句天將玉帶封山公賦形比物一何似昔聞今
見將無同何年巧匠斲山骨縮入君家石屏中恍
疑黃鶴樓前晴川芳草景歷歷又若滕王閣上長
天秋水烟濛濛海岳研山何足貴坡仙雪浪難爭

雄我言非誇君不見去年曾獻明光宮

為水傳金... 把身應無... 細期... 題... 著山... 奇句... 見將... 賦... 賦... 賦...

太史升菴全集二十六卷

天精... 成都楊慎著

南... 從子 有仁錄

易... 維揚陳大科校

內... 新都周參元重刊

七言律詩

華... 僧鞋菊和顧箬溪韻

獅子床頭且過鞵多羅樹下覺花開西風有脚垂

垂發東度無媒得得來挹露祇宜香界見行雲休

入画堂猜石湖舊譜難收盡箬社新詩取次裁

詠荔枝

萍實楚江浮赤日桃花秦洞粲紅霞試將海内芳
麩數敢並江陽荔子誇雲液留香凝重錦冰丸映
肉捲輕紗美人釵股雙雙綴肯擲潘郎滿鈿車

夏雨不絕東張蜀望 張名峩

南滇六月朱夏涼疊疊雲嵐浮曉光林花含笑遠
天靜江草喚愁終日長闌風伏雨淹客路回谷深
谿非我鄉城隅隔手不相見車馬經過淋潦妨 王

金馬第鷄頰回谷
深谿非土之鄉

寄徐用先程以道 徐名文華 程名啟充

軒轅臺畔雪霜寒陰磧茫茫萬里寬夢繞盧龍明
月易書隨鴻鴈朔風難天涯好在崔亭伯海上終
還管幼安應念瘴鄉孤戍者自將形影弔哀殘

庚寅除夕王子推送桑落酒適傳希說葉道

亭同過守歲即事

桑落舊方傳陸海椒花新頌及滇春能消客底干
金夜頓有天涯兩玉人無家垂老同漂梗痛飲狂

歌非隱淪歲去年來直反手柳青頭白轉傷神

鄧川楊少叅兩依莊

楊名南金

名公妙年辭京華飄然歸來乘雲槎天上烏啼御

史府海邊龍卧神仙家東山老子興不盡南華真

人生有涯空餘蟠胸濟世策日對隣叟談桑麻

泛浪穹海子

風鏗天鼓秋空白

峯頭才見一泓幽沙尾驚看四岸浮沅水羅文堪

並色嘉陵石黛迥添愁秦源欲問桃花渡楚望渾

迷杜若州亦有滄浪舊歌曲晚來乘興更扁舟

帝釋山

帝釋山頭雲滿谿東菴飛雨西菴泥碧潭照眼石

鯨動翠微當面林鷲啼濛濛香霧花層溼漠漠生

烟樹點齊傍險銀鞍應未怯玉壺清酒為君携

毛希魯園千葉梅

毛名沂

今年朔氣凌炎暉雪後見梅千葉稀空谷倚竹翠

袖薄洞戶穿燈香霧微嬋娟莫待月初賞綽約即

愁風乍飛繁霜旅鬢不羞汝爛醉賓筵簪朶歸

臘朔後再向毛園醉梅

東閣早梅春已破南枝初月夜不遲羅浮仙人再
入夢易州何郎仍賦詩留連錦席坐雲暖瀟灑玉
樹臨風歎嫣然正用啟粲蓓颯爾無勞嗟鬢絲

春興八首

遙岑樓上俯晴川萬里登臨絕塞邊碣石東浮三
絳色秀峯西合點蒼烟天涯遊子懸雙淚海畔孤
臣謫九年虛擬短衣隨李廣漢家無事勒燕然

又

昆明初日五華臺草長鶯啼花亂開探禹穴遊今

已遂吊湘纍賦未須哀巢雲獨鶴時時下傍水羣
鷗日日来散地幸容高枕卧清朝豈乏濟川才

又

諸葛提兵大渡津河流禹鑿迥如新彩雲城郭那
無跡黑水波濤亦有神象馬遠來銅柱貢犬羊不
動鍊橋塵靈關在眼平於掌歲歲蒲桃首藉春

又

憶昔衣冠侍帝庭常陪鴈侶翥仙冥張騫銀漢通
牛斗方朔金門隱歲星鳩鵲吟詩宮月白鳳皇傳

詔御烟青夢回髣髴鈞天奏腸斷蕭條海角亭

對音又

帝里朝辭供奉班客程宵濟洞庭灣湘靈鼓瑟清
冷外鮫女鳴機縹渺間青草波光連夢澤蒼梧雲
物隔疑山故園亦有岷江水垂老生涯釣艇閒

又

平沙落日大荒西獨立蒼茫意轉迷蕙畹蘭皋愁
晚對竹垣花掖記春棲摧頽杜甫歌朱鳳憔悴王
褒望碧鷄白首艱難隨去住青雲容易墜攀躋

掖音亦門
旁小門

又

白屋茅堂枕碧沙玄亭亦近子雲家浣花溪上花
饒笑濯錦江中錦勝霞遊女秉芳歌窈窕狂夫題
竹醉橫斜悲來瘴海凋霜鬢愁聽山櫻咽暮笳

又

天上風雲此際多山中日月竟如何爭傳鳴鳳巢
阿閣又見飛鴻出爵羅宣室鬼神思賈誼中原將
帥用庶頗難教遲暮從招隱擬把生涯學醉歌

謁二忠祠

薛
音備薛
荔香草

學士文章懸日月尚書劍履上星辰九原松柏香
臺夜雙廟莓苔影坐春山鬼嘯歌塞薜荔海童奔
走薦芳蘋經過此地同揮淚况是江潭放逐臣

喜周木涇工部復至滇

吳門滇徼兩心期河草江梅一歲時朗月肯教元
度共碧雲知為惠休移好音起夜忘哀病喜氣先
春迴暖姿華頂溫泉俱舊約似留仙賞待新詩

看花出郊村店小飲

異國平居野興深花邊立馬此登臨雲林未許成

歸隱塵世惟思學醉吟若下風流新蟻綠長安春
已舊貂金芳菲遲爾來何暮葉底流鶯正好音

寄文徵仲兼問訊姜夢賓

翰林供奉白頭時洗墨歸尋古劍池近得王家湖
水帖遙傳謝氏敬亭詩扇頭雲樹搖山翠障子烟
花動海漪頻過時川草堂否三游空結夢中期

賦得百花潭送人之楚

滄浪潭水照潭花無賴家家惱杜家不數潘安河
內縣堪留衛玠洛陽車晴煙翡翠蘭若溼涼雨鴛

鴛苒藻斜五兩行穿巴峽樹百壺先泛楚江槎

廣都舟中寄謝狷齋

江波錦落寒潭清彩舟晚發芙蓉城中流帆影虹
蜺卧夾岸槽聲鴛鶴鳴越裳白雉已入貢荒眼碧
雞猶遠征祗憑一札隔歲遞未知雙劍何時并

思公子篇

三五二八艷嫦娥百萬十千酬笑歌羅帳浮雲開
玉葉鏡臺明月湛金波鬪鷄曉向侯家出走馬宵
從主第過絕漠蘓卿竟誰問長沙賈傅柰君何

南溪舟中與劉承之話舊

晴江初月對佳人明燭深林慰苦辛征棹來帆成
白首鳴嘯侶憶青春萬重關塞浮雲外咫尺滄
浪積水濱歌罷語闌還別去朔風寒雪倍傷神

泛舟浣花東阜狷齋同賦

風簷水檻含清暉月閨夏五暑氣微山中薜荔幽
人帶池上芰荷遊子衣雙魚六馬慣識曲青鈴白
鷗皆忘機楊雄玄閣不寂莫杜甫草堂天下稀

贈永寧白叅戎

叩
喊
入
聲

貴竹新疆古蘭州分弓上將擁貔貅笙歌城郭天
無夜耒耜郊原歲有秋界首江清春洗馬海漫山
翠晚當櫻銳頭勲業君家事四十登壇早拜侯
風卷太華寺席上文似山詠郭舟屋名文湖勢欲
浮雙塔去山形如擁五華來之句愛其善狀
景物而惜其全篇未稱也屬余易其首尾
仙人掌上梵王臺雨霽秋清望眼開湖勢欲浮雙
塔去山形如擁五華來摩天鶴鶴窺明鏡呬浪魚
龍引渡杯金碧西南無此景為君扶病一徘徊

寄張風泉侍御名渙定州人

貴陽天馬遠行空元是蘭臺鮑氏驄未奉談犀恒
北望忽傳書鯉到南中龍筋舊識文成麗蟬瓜爭
看定武工誰道停雲形影隔成櫻明月夢竟通

題楊補之梅

逃禪老人楊補之南昌新籍西川移寂寞真稱子
雲裔清夷不為秦檜緇前身應是孤竹子後世但
識梅花師風霜搖落千林兀玉蕊瓊蕤何太奇補之

子雲之後字
以才不從木

寄袁子變名恒

半豹才名真自許
元龍豪氣更誰降
堂前劍客呈
鷗九屏後琴姬擁
鳳雙貫酒十千
傾玉灑呼盧百
萬倒銀缸舉頭望
月沉珠浦携手
何時濯錦江

以忠州雲根筆贈韓炅菴

射虎當年舊將家
騰將筆陣縮龍蛇
停雲閣上紅
塵隔題竹林中
翠袖斜燕寢清香
盤紫霧鼠鬚玄
點竄青霞幾行
循墨千衝折何必
班超萬里沙

嘉州江上邂逅李蟠峯天使即事一首

皇華原隰素絲行
仙里庭闈綵服明
冢慶國哀同
盡節望雲就日
總含情留連結
桂橈相倚邂逅
班荆蓋共傾抱
病江天淹戍客
煩君傳語碧鷄
城

送曹侍御時信

成旅候明辭
禁掖揚舫千里
下蓬萊東波渺
香通南國瓊樹
風流映栢臺
句曲天邊鄉信
近石頭城畔
暮潮回遙憐
避馬棲鳥地
好稱郎潛吏
隱才

至前二日朝天宮習儀

緋袍玉珮過
長安紫府珠
庭引百官一
代威儀非

貫 音世貸也賒也
炅 音憬煙氣

